

# T U B A EVANGELICA

EXERCITIA

AD ECCLESIASTICOS HABITA

*Quibus Dei gratia uberrimos novæ conver-  
sationis fructus in Clero peperit.*

AUCTORE

QUODAM PRESBYTERO.

PARS SECUNDA.

---

EDITIO SECUNDA.

---



---

SENIS 1778.

---

Typis VINCENTII PAZZINI CARLI ET FILIORUM  
*Superiorum Facult.*



---

# SEXTA DIE

Hodie omittitur vocalis Oratio  
propter Confessiones generales.

*Servatur jejunium.*

---

## SERMO V.

*Mundi estote, qui fertis vasa Domini;*  
Isaiae c. 52. v. 11.

**P** Rædicaturus, dilectissimi, de puritate, quam sibi tremendum expostulat Sacrificium, quid dignum dicam, ignoro: imparem enim ad tantæ rei excellentiam significandam me reputo. Verum quia obedientiæ vinculo constrictus sum, aliquid dicere, prout dictaverit scientiarum Deus, opere pretium est. Audite ergo:

Scitis, quia docti in fide, quod verè sit Filius Dei, quem quotidie sacrificamus super Altare, qui procedens homo sine semine natus est Virgo ex Virgine. Ipse propter nimiam charitatem, qua dilexit nos, admisit in se suscipiens carnem nostram humanas omnes misérias præter unam. Hanc in se noluit admitttere, concipi scilicet, ut reliqui homines cum car-

4  
nis delectatione, & ex corrupta Matre: sed concipi sine semine, ulla sine carnis delectatione, & ex Virgine. Admisit in se dæmoniacum, blasphemum, seductorem haberi, & morte turpissimâ condemnari: sed noluit ut ceteri homines carnem suscipere. Qui totius puritatis fons, & origo est, nostram assumens naturam exhorruit copulam: decuit namque hunc, qui sociabat carni divinitatis substantiam, communis conceptus nescire miseriam. Perpendite ergo, Fratres mei, quantam debeamus colere puritatem, qui ex Altari Christum sumimus, puritatis auctorem. Nostis quia legistis, quoniam Moyses præcipiente Domino loquutus est ad populum, ut assumerent agnum sine macula, atque sic, inquit, (1) *comedetis eum: renes vestros accingetis*. In renibus, seu lumbis luxuria agitur. Idcirco ad nos dicitur per figuram: *renes vestros accingetis*: quod quidem itidem dicitur a Christo Domino: *sint lumbi vestri præcincti*. Tunc enim lumbos præcingimus; cum carnis luxuriam per continentiam coarctamus. Agnus ille sine macula Legalis quidem fuit agnus in littera, sed Christus in figura. Ipse namque Agnus est sine macula, quem hi tantummodo, qui cum mulieribus non sunt coinquinati, sequuntur, quocumque ierit. (1) Notandum est, Fratres, quod Joannes vidit neminem posse dicere canticum in conspectu Throni, nisi hi, qui cum mulieribus non sunt coinquinati. Nam  
for-

(1) Exod. c. 12. v. 11.

(2) Apocal. c. 14. v. 4.

*fornicatoribus pars illorum erit in stagno ardenti igne, & sulphure, quod est mors secunda.* (1) Neque vos latere facile credam, quod Christus Dominus in sindone munda involvi, atque in monumento novo, in quo nondum quisquam positus erat, (dico fuerat) sepeliri voluerit (2): quo non obscuré significatur recipientem Corpus, & Sanguinem Domini nostri Jesu Christi mundum, & purum esse debere, atque itidem mundum, & purum, qui ejusdem Corpus, & Sanguinem sacrificat super Altare. Nostis nihilominus, quod Israelitici populi Sacerdotes ad fores Tabernaculi Testimonii lavabantur aquâ (3). Cum ingrederentur tectum Fœderis, & accederent ad Altare lavabant manus, & pedes: nonnullaque alia leguntur habuisse lavacra, ut sic offerrent mundo corpore Sacrificia. Nos igitur, qui non vitulorum sanguinem, sed ipsum mundi Redemptorem offerimus Omnipotenti Deo, quo non oportet dilui lavacro? Quo non oportet esse puriorem tali fruente Sacrificio? Quæ mentis integritas, quæ corporis, cordisque puritas, cum Hieronymus habito in somnis turpi phantasmate dicere audeat: si hujusmodi pati contingat in somno, intrare Ecclesiam non audeo, & toto corpore contremisco? Igitur si involuntaria in somnis phantasmata pati efficit, ut terrore concutiantur ossa Sanctorum, quo non oportet occupari terrore Omnipotentis

A 3

tis

(1) Ibid. c. 21. v. 8.

(2) Math. c. 27. v. 59. Joan. c. 20. v. 41.

(3) Exod. c. 40. v. 12. &amp; 29.

tis Ministrum, ejus concupiscentia pascitur specie mulierum? Si Sancti solum sine testibus cum muliere Sacerdotem accusant, etiam si carnem servaverit illibatam, quo vocis tonitru accusandos esse putamus, qui contempto Domino, atque immemores se esse tremendi Tabernaculi Sacerdotes, non verentur de Ecclesiæ facultatibus alere meretrices? Expavesco, Fratres mei, atque non sine horrore audire possum inter nos multos esse, qui impiè polluentes Sanctuarium animam simul cum corpore diabolo tradiderunt, dum imperterrita fronte, atque animo irreverenti volutantur in sordido carnis luto more porcorum. Apparent Clerici in medio populi, quorum incessus, & amictus annunciant de eis non esse Ministros Altaris, sed filios perditionis. In noctis crepusculo, odientes lucem sicut qui malè agunt, Sacerdotale signum abscondunt, sæcularique habitu induti, atque sicariorum morè armis accincti penetrant domos sceminarum, ut in turpitudinibus simul cum eis sacrilegum possint habere consortium. Præcepit Dominus (1) Josue ut lapides, super quos ambulaverant Sacerdotes, dum Jordanem transirent portantes Arcam, in monimentum æternum reservaret tamquam reliquias ad edocendas de miraculo generationes futuras. Hodie vero (proh dolor!) calles, per quos frequenter incedunt nonnulli Sacerdotes, non debent tamquam reliquiæ custodiri, sed potius in talium

Sa-

(1) Josue c. 4.

Sacerdotum ignominiam sale feminari: quoniam *via perversa sunt, infames gressus eorum, & pedes ad malum currunt*. Veniunt ad foeminas obsequio deliniendas: ibi enim splendida coena, ibi tripudia, ibi amatoria carmina, ibi saltationes sine modestia, ibi prava colloquia. Sedent manducare, & bibere, & surgunt ludere, quo fit, ut aestuante carne a vino, & a turpi colloquio, atque suscitato plus solito libidinis incendio quandoque fiat, quod pudet dicere. Saltitare consuescunt post epulas, atque gerere gestus, & motus, quibus ruinam patitur castitas, & accenditur prompta cupiditas. Chori duces facti sunt ipsi Clerici. Ipsi puellarum restim ad saltandum ordinant: ipsi ad cytharam carmina intonant, quæ ad luxuriam excitant: in cujus satanico choro a libidine suffocati intermiscent tactus, & oscula, quæ consumandi actus venerei solent esse principia (1). Sunt Clerici, & quidem quamplurimi, qui turpiter recedentes ab exercitio debita conversationis in hortum, in vineam, in agrum veniunt cum foeminis ad agendum villicum, ubi omnimoda cum libertate animum ad carnis argumenta convertunt optatam illam temporis horam transferentes in luxuriam. Ibi ebrietates, ibi comestationes, ibi cubilia, ibi impudicitiae, ibi denique obscœna, quæ castus pudor prohibet in medium producere, & modesta non patitur Religiositas aperire. Toto ex affectu jocantur, simulque col-

(1) Hieronym. in tract. de custod. virgin.

collidunt, atque timoris Domini solventes habenas lætantur, cum malefecerint, & exultant in rebus pessimis æstimantes diei delicias. Agentes villicum a curis explicant animum, & interea diabolus exercet negotium.

O Fratres mei! quid horribilius, quam foetido luxuriæ cœno inquinari, atque ita turpi inservire passioni eos, qui conficiunt Corpus, & Sanguinem Jesu Christi? Illam immaculatam hostiam manibus attrectare non timet, qui paret carni, cum noxia jubet? Quomodo non horrescit sacras contingere carnes, qui carnes scemineas attrectavit? O sacrilega temeritas! (1) Filium Virginis ore sumit, qui paulo ante oscula sceminae impressit. Nec veretur perpetrans scelus horrendum ad terribile accedere Tabernaculum: sed ore foetente, & corpore polluto demergit eum, quem Angeli videre concupiscunt. Inhorrent pili carnis meæ, atque tremor occupat animum, dum inter Sacerdotes auditur fornicationis sacrilegium. Quid restat, nisi ut ignis egrediatur de Sanctuario, & devoret eos, sicut quondam egrediens devoravit Nadab, & Abiud filios Aaron offerentes contra Legis præscriptum ignem alienum? (2) Quid, nisi ut percutiat eos Dominus super temeritate, & ibi miseré moriantur juxta Arcam Domini (3)? Horrore suffunditur facies mea, Fratres mei, & concutiuntur ossa.

(1) S. Hieron. de custodia Virginit.

(2) Levit. c. x. v. 1. & 2.

(3) Paralip. 1. c. 13. v. 10.



offa pavore, cum audiam, cum videam Sanctuarii Ministros, qui cauteriatam habentes conscientiam, atque miseré naufragantes circa castimoniam bibunt iniquitatem quasi aquam. Non proponentes Deum ante conspectum suum, contemptâ proprii honoris gratiâ, atque chymærica reputantes futura commutant Atria sanctitatis pro domo turpitudinis. Muneribus de Ecclesiæ facultatibus turpem soventes amorem nutantia mulierum corda facile emolliunt: cumque favor, & gratia firmaverit concubinatum, tradunt sua libidinosa corpora in carnis sterquilinum (1) *facti abominabiles, sicut ea quæ dilexerunt.* Corrupti in prostitutione sua sine conscientiae remorsu repetunt sacrilegia adiicientes in contemptum Salvatoris nefanda crimina non jam Clerici discientes sanctitudinem, sed *canes impudentissimi nescientes saturitatem.* (2) O Deus Altissime! Manus sacrâ unctione delibutas obscenas foeminæ carnes palpare? Manus, quæ attrectant Venerabile Sacramentum, mulieris verenda tangere. & non horrere foeminæ corpus immundum? Quid magis temerarium? Os, quod tremendo nimis sanguine rubescit, in carnalibus osculis cum foemina conglutinari, quid magis sacrilegum? Membrum Redemptoris, quod est corpus offerentis, facere membrum meretricis? Quid magis horrendum? Abhorrent aures: atque convertere potius oportet pupillas ad planctum,

(1) Osee c. 9. v. 10.

(2) Isaia c. 56: v. 10.

ctum, quam movere labia ad eloquium. O Clerice, quid tentas provocare Dominum, ut mittat percutientem Angelum, & secet te medium? Quomodo non formidas in ipso luxuriandi actu mortis horâ tremenda concludi, atque cum rebellibus Angelis inextricabili infernorum barathro sepelli? Quid agis, Clerice, oculos habens plenos adulterii, & incessabilis delicti vivens tamquam sus lota in volutabro luti (1)? Quare non times turpe cum foeminis habere commercium, & super tremendam Aram offerre Domino sacrificium? (2) *Abominabiles Domino victimæ impiorum*, oratio eorum fit in peccatum, atque Sanguis, quem de Calice bibunt convertitur in venenum. (3) *Irritam quis faciens legem Moyfi sine ulla miseratione duobus vel tribus testibus moritur: quanto magis putaris deteriora mereri supplicia, qui filium Dei conculcaveris, & sanguinem Testamenti pollutum duxerit, in quo sanctificatus est, & spiritui gratia, contumeliam fecerit?* Duriorem quidem ignis æterni poenam in inferis sustinebant, qui turpiter diversantes apud tabernacula foeminarum polluto corpore, & corde offerunt Sacrificium. Quid tu sacrificas, qui Templum Domini, quod est corpus tuum, sic impié violas adamans impuro amore mulierculas, a quibus præceperat Dominus, ut servares manus innoxias? (4) *Nunquid car-*  
*nes*

(1) Petri 2. c. 2.

(2) Proverb. c. 15. v. 8.

(3) Ep. ad Heb. c. 10. v. 28.

(4) Jerem. c. 12.

*nes sancta auferent a te malitias tuas in quibus gloriatus es? Non gustas vitæ poculum, sed mortis toxicum: non calicem salutis, sed vasculum perditionis.*

O Fratres dilectissimi! damnatio Clerici, luxuriis assueti, non probabilis, sed certa est. Qui in carnis peccatum semel est lapsus, difficile ad veram poenitentiam reducitur. Qui vero in luxuriæ foribus assiduus est, nunquam convertitur. (1) *Si peccaverit vir in virum placari ei potest Deus: si autem in Dominum peccaverit vir, quis orabit pro eo?* Anima ejus in interitum properat. Verum est, quod Sacerdotes, qui talia agunt, converti possunt, sed non convertentur: dicit enim Prophæta: (2) *non dabunt cogitationes, ut revertantur ad Deum suum, quia spiritus fornicationis in medio eorum.* Nihilominus me legisse memini: *Si mutare potest Ætiops pellem suam, & pardus varietates suas, ita & vos potestis benefacere, cum didiceritis malum.* Unde Sacerdotes, qui luxuriæ cœno volutantur, necessario condemnabuntur. Converti possunt, dum vivunt, salvari possunt, si mutent animum: sed non mutabunt, & ideo necessario peribunt. Necessario dixi non necessitate absolutâ, sed conditionatâ. Usque modo non legi Presbyterum sectantem ex consuetudine carnis luxuriam ad veram pervenisse poenitentiam. Ratio est, quia hujusmodi passio præ reliquis exceptâ avaritiâ, cor indurat, & liberum arbitrium ener-

(1) Lib. Reg. I. c. 2. v. 25.

(2) Osee 6. 5. v. 4.

enervat, ne patiens poenitentiam agat. Incrassata passio per vitium remittit animum aggravans, & suffocât, si quid eliciat, poenitentiae propositum. Idcirco Prophæta dicit: non dabunt cogitationes suas, ut revertantur ad Dominum Deum suum, quia spiritus fornicationis in medio eorum. Igitur confabulatio cum mulieribus parit amicitiam: amicitia nimiam confidentiam: nimia confidentia actum: actus consuetudinem: consuetudo necessitatem: necessitas impoenitentiam: impoenitentia sempiternam ruinam.

Idcirco quia consuetudo cum mulieribus res valde periculosa est, ut eradicetur propinqua labendi occasio, Sacro-Sancta Nicæna Synodus cohabitationem prohibet cum mulieribus (1). Idipsum prohibitum est in Sacris Canonibus: quatenus hujusmodi consuetudo semper extiterit obnoxia periculo. Sed prævaluit (proh dolor!) adversus Sacro-Sancta Instituta opinio illusoria, quam parit carnalis concupiscentia, dum pene omnes neglecto mandato, & contempto periculo ancillas juvenes habent in ministerio; quo fit, ut multi vivant tamquam in matrimonio. Utinam mendacium potius loquerer. Quis apud se habet ancillam juvenem, & luxuriæ carnis non sentit ardorem? Clericus otiosus vinum bonum habens in cella vinaria, capones, perdices, & sapida frustra carniū in mensa, qui colit ventrem, & in molli culcitra dormit ad satietatem, orationis ignarus, mortifi-

(1) C. fœminas dist. 18.

tificationis inscius habet in ministerio juvenem pulchram, & non sentit saltem carnem inquietam? Vel passim uritur a flamma venereorum, vel est insensibile lignum, vel Angelus in Regione mortalium portans corpus aereum. (1) Semel in die reficiebatur fabâ Hieronymus; aquam frigidam bibere in illo deserto luxuria erat. Habebat a jejuniis solam pellem, & ossa, atque ob rigidas severitates relicta ei erant tantummodo labia circa dentes, & tamen, ut ipse testatur, adhuc libidinis incendia bulliebant ita, ut quandoque de spelunca egredi atque in proximam vallem venire cogeretur vociferans ad Christum Dominum *miserere mei quem redemisti*. Quanto acriori luxuriæ incendio inflammabitur Clericus, qui ventri indulget, qui vacat otio, & habet proportionatum objectum in conspectu suo? Vivus dolor intima cordis occupat, cum in domum Clerici ingredior, & juvenes ibi foeminas video elegantulâ formâ compositas, & circumornatas ut similitudo Templi capaces ad provocandum etiam Anachoretas Ægypti: quanto magis animum Clerici dilatati, incrassati, & impinguati? Etenim ancillas juvenes habere in domestico ministerio valde periculosum est. Sed quid dico periculosum? (2) *Semper esse cum fœmina, & fœminam non cognoscere nonne plus est, quam mortuum suscitare? Quod minus est, non potes; quod majus est, vis credam tibi?*

B

Que-

(1) In epist. ad Nepot.

(2) S. Bernard. Serm. 65. sup. cant.

*Quotidie latus tuum ad latus juvenula est in sella: cubile tuum ancilla cubili vicinum: oculi tui ad illius oculos in colloquio: vides eam quandoque nudam sine exteriori vestimento a repentino servitio, & continens vis putari? esto ut sis: sed ego saltem suspicione non careo: scandalo mihi es. Tolle scandali causam: ejice ancillam. Patres nostri in statu justitiæ originalis carnis rebellionem carentes de ligno vetito gustarunt; & tu cum carnis rebellionem, & obiecto præfente vis credam te posse a libidinis igne liberum reservari? Numquid a Deo diploma habes, vel speciale aliquod privilegium, ut etiam si portes ignem in sinu, non ardeant vestimenta tua? Ego arbitror juvenes scēminas habere in domestico ministerio, & non peccare, cum vivacissima sit carnis potentia, & facillimè mobilis ad turpia, sine miraculo fieri non posse. Quis est qui immunis gloriatur a turpi saltem cogitatione? Ecce cogitatio parit delectationem: delectatio consensum: consensus actum. Quod si Clericus hodie non cecidit, crastina die lapsum non effugiet. Etiam si id fieri posset, & Clericus non peccaret, scēminas juvenes apud se habere non debet, quia scandali causam, quæ proximis datur a se omnino removere tenetur: unde extat illud a patribus: (1) *Escludenda est omnis nefanda suspicio*. Non ignoratis, Fratres charissimi, quæ, & quanta in Sacris Canonibus scripta sint de cohabitatione Clericorum, & scēminarum. Omnia eo tendunt, ut elimi-*

na-

(1) C. in omnib. dist. 83.

nata penitus consuetudine; amoveatur ab eis labendi periculum. Mulieres namque (1) *auferunt cor: & apostatare faciunt sapientes* (2). *Laqueus venatorum* dicitur mulier in Scripturis. Qui timet Deum, effugiet illam: est enim dulce venenum inficiens formâ, interficiens loquelâ, & omnia eradicans genimina. Nihil viscosius, nihil facilius, nihil carnis luxuriâ vivacius. Illicium est mulier, quo dulciter trahitur hominis anima in carnis concupiscentiâ. Ipsa perdidit viros gigantes in sanctimonia. Unde exiit proverbium: inter sanctam, & sanctum pone parietem æreum. Quis es tu, die, Clerice, dic, Sacerdos, qui pulchram habens juvenem in ministerio jactare te possis immunem a delicto? Nec Samsone fortior, nec David sanctior, nec Salomone sapientior. In sinu scorpionem fovere, & puncturam effugere? Quis est iste, & convertam declamationis argumentum in laudis eloquium? Hoc non facit homo poenitentia rigidus, & credendum est, quod facere possit Clericus crassus? Igitur cohabitatio, & consuetudo vitanda: quia ex conditione inevitabilis est carnis luxuria, vel impossibilis saltem pura conscientia.

Proh dolor! pro eo quod Clerici juvenes habeant foeminas in ministerio, superabundant scandala in populo: non enim facile latere potest, quod multi vivant in concubinato. Ipsa nihilominus exterior

B 2

com.

(1) Prov.

(2) Ecclesiast. c. 7. v. 37.

compositio transversam mentem habere declarat, atque phyloginiâ laborare manifestat. Optimé sciunt, quod foeminæ externarum rerum figurâ trahantur: idcirco qui juvenes foeminas in ministerio non habent, allicitivé se componentes ad capturam, extra domum sollicitant. Luxuriæ spiritu miserabiliter occupati nihil nisi de externo cultu, & elegante compositione, cogitant circumspicientes, si bene incedant, multo magis solliciti ne vestem sordes ulla commaeulet, quam ne diabolus animam peccati gladio trucidet. Spirantes carnis desideria procedunt in retorta, atque Cypreis pulvisculis albefacta capillatura, quam ut in gratiosa positione conservent, cum ad celebrandum veniunt, Amictum capiti non imponunt. Quid a Clerico, quid a Sacerdote magis alienum, quam meretricia cura comarum? (1) Etenim *comarum curam gerere vel infeliciū est, vel injustorum*. Si de foeminarum ornatu loquens Apostolus ait: *non in tortis crinibus: non in capillatura, vel veste pretiosa* (2). Quid hodie diceret si de Clericorum digitis anulos radientes videret? In vacuum laborasse in vobis clamaret: a vocatione vestra excidisse ingemisceret: nam Clericus anulatus vel Episcopus, vel uxoratus. *Ego autem cum anulatum Clericum video, sponsum magis, quam Clericum reputo* (3): innuit enim anulus, quod non sit Clericus, sed mari-

(1) S. Basil. hom. 24.

(2) Ad Timoth. I. c. 2. v. 9.

(3) S. Hieron. de custodia virginis.



ritus. O misera Clericorum subversio!  
 Ad quid hæc in Clericis meretricia orna-  
 tus compositio? *Forma hæc vestium defor-*  
*mitas mentium, & morum est. Omne agens,*  
 ait Philosophus, *agit propter finem* (1).  
 Clericus vel se pulchrè componit, ut pla-  
 ceat Deo, vel sibi, vel mundo, vel fœ-  
 minis, quæ externarum rerum pretiosi-  
 tate trahuntur. Si se componat, ut pla-  
 ceat Deo, blasphemus est, quatenus pu-  
 tat in externarum rerum imagine Deo  
 placere posse. Si se componat, ut sibi  
 placeat, nihil illo nequius. Si ut placeat  
 mundo, ecce cum impiis sortitur partem,  
 nam, ut ait Apostolus, *si hominibus pla-*  
*cerem, Christi servus non essem.* Si vero,  
 ut mulieribus placeat, pulchrè componi-  
 tur, luxuriæ carnis reus esse convinci-  
 tur. Quomodocumque sit, in Clericis ex-  
 terior cultus revera vitiosus. Ægram pa-  
 titur mentem, qui de capillatura, anulo,  
 & vestibus habet sollicitudinem. O quot,  
 & quanti, qui Clericalem habitum ge-  
 stant, insanâ mente laborant! Passim oc-  
 currunt qui ad modos compositi, mun-  
 dialiter culti incedunt per medium po-  
 pulum inter duas fœminas insertis hinc  
 inde brachiis accendentes earum facilem  
 concupiscentiam, atque habitu, gestu,  
 nutu, & loquela spirantes luxuriam. Cum  
 tales video gradientes inter fœminas per  
 compita Civitatis, corruo præ verecun-  
 dia, quia infamia est Ordinis insolentia  
 gradientis. (2) *Quid tibi cum fœminis, dic,*

B 3

Cle-

(1) S. Bernard. de consid. ad Eug.

(2) S. Hieron. ibid. in tract. de custod. virgin.

Clerice, dic, Sacerdos, qui cum Domino confabularis? Siste, miser, & pedes revoca a semita perditionis. Sed heu heu! quid dicam, aut quid loquar de his, qui abiecto Clericali habitu sine verecundia, sine timore, sine conscientia personati conveniunt agere bachanalia? qui facies peccatorum fumentes domos muliercularum penetrant sine discrimine parantes tripudia cum actionum insolentia, & consumantes infernales jocos in voraci lascivia? Mutant vultum, sed non animum: imo sub persona potius accendunt, ut liberius perpetrent turpe flagitium. Ignoscite mihi, Fratres, si hic finem imponam, & non progrediar ultra: nam hujusmodi materia indigna est Spiritus Sancti Cathedrâ.

---

*Descendentibus cunctis in ipso noctis crepusculo in Ecclesiam, & sedens Prædicator in medio eorum habet ad eos Vespertinum.*

### VESPERTINUM I.

*Sine intermissione Orate. Paul.*

**S**ine Dei gratia, Fratres charissimi, muneris nostri partes explere non possumus. Gratiam habere sine oratione est quidem impossibile: ait enim Beatissimus Pater Augustinus: (1) *neminem credimus, nisi orantem, gratiam promereri*. Oratio sine actione illusio est. Actio sine oratione turbatio est. Non oratio, & non actio  
mani-

(1) De Symb. ad Carth.

manifesta perditio est. Ut autem labor noster non sit inanis coram Domino, & oratio nostra non redeat ad nos vacua, necesse est, ut concomitetur cordis custodia. Una sine altera nihil prodest ad effectum: nam ista sine illa diu durare non poterit. Illa sine ista frustrà tempus expendit. Quemadmodum aquila alâ unâ in altum venire non valet, ita nos si oratione sine custodia, vel custodiam sine oratione tantummodo habemus, volare non possumus. Idcirco, Fratres mei, quia de cordis custodia, atque de interiori domo ædificanda nihil curamus, facti sumus anseres humi repentes nauseam patientes erga sublimia, & sapientes sola terrena. Captivi a concupiscentia rerum attonitos habemus oculos abeuntes post delirantis sæculi fatale theatrum, & respicientes quò respicit Civitas impiorum. Quæ exinde oratio expectanda? Vel nulla, vel inutilis, vel illusoria. Nonnulli sunt, qui longas orationes orant: sed quid prodest, cum sinistra destruat, quod dextera ædificat? Hi imitantur eos, qui aquam hauriunt cum cribro, & infundunt in dolium sine solo. Quamplurimi sunt, qui in animarum suarum tacitum odium erga orationis studium fastidio contabescunt; apud eos orationis exercitium idioma est arabicum. Sed dicentes tantummodò ante celebrationem precunculam, atque psalmum *Laudate Dominum omnes gentes* post Missam aliam habere meditationem non curant, nisi sermonem de lucro, de beneficio, de jocis, de ludis, de

de venationibus, de novitatibus, atque nocturna, & diurna amantes conventicula vitam vivunt inanem, lubricam, & otiosam utpote qui acceperunt in vano animam suam. Quid agimus, Fratres mei, quid agimus? Nos, qui inter Christum, & homines mediatores sumus, pro nobis, & hominibus incessanter orare debemus, ab oratione spiritum relaxamus? Qua conscientia præcipuum Sacerdotalis officii munus omittimus, atque ab oratione avertimus animum in nostrum, & totius mundi detrimentum? (1) *Absit peccatum hoc a me*, ajebat Samuel ad populum, *ut cesset orare pro vobis*. Igitur peccat in populum, Sacerdos, qui orandi omittit officium. Ecce vibrat Dominus gladium suum: arcum suum tendit, & parat illum propter scelera, & scandala populorum. Fremit adversus habitatores terræ ira furoris sui, quia Domino peccaverunt: volensque abundare, ut avertat indignationem suam ab eis queritur per Prophætam dicens: *quæsi in eis virum, qui interponeret sepem, & staret oppositus contra me pro terra, ne dissiparem eam; & non inveni: idcirco effudi indignationem meam*. Ecce in diebus nostris effundit Dominus indignationem suam, dum mittit in filios iniquitatis spiritum erroris, qui pestilentia disseminantes volumina corrumpunt corda simplicium, & interficiunt animas hominum. Nos autem grassantia mala videntes, atque in dies monstruosa dogmata suboriri, tenemus tym-  
pa-

(1) Lib. R. I. c. 12. v. 13.

panum, & lyram, & cytharam, & gaudemus ad sonitum organi? Percutit Dominus orbis terrarum Provincias, flagellat Nationes Catholicas, & nos animo dissoluti, corde dissipati, otiosi, & sæculi occupationibus irretiti vitam traducimus, & divinam exorare clementiam, ut justam avertat iram, criminose contemnimus? Nimis quidem periculosa temeritas ab oratione vacare eos, qui instituti natura assiduas tenentur pro toto terrarum orbe preces effundere. O! O! quid, cum ante tremendum Christi Tribunal steterimus, respondere possumus, Fratres charissimi, & districta à nobis ratio exigatur de hæresibus, de Ecclesiæ tribulationibus, de scandalis, de pestilentiis, de fame, de præliis, quibus orbem terræ percuti cernimus, quæ omnia assiduis clamoribus impedire, & a populo avertere debueramus? Posui vos, dicit Judex in indignatione sæverus, Sacerdotes in populo, ut fungeremini meditationis officio: ut offerentes in conspectu meo fervidas orationes portaretis hominum iniquitates: vos autem vertentes in contemptum orationis negotium inhonorastis Ministerium vestrum, dum prætereuntes orationis officium dilexistis mundum ad carnalia transferentes animum. O Fratres mei! quanto terrore, quanta confusione, & formidine concutiendi sunt in novissimo Sacerdotes, qui cum accincti sacco, & cilicio inter vestibulum, & Altare plorare debuissent, recesserunt a loco Sancto, in quo debet orare Sacerdos transmi-

smigrantes cum infamia ad transeuntis sæculi periculosa commercia, ad mundi relationes, ad negotiationes lucratorias, ad vanitates, & insanias falsas, quibus miserabiliter involuti trahuntur præcipitantes animas suas? Nunc quidem quia nihil eis accidit triste, in cœcitate, quam tolerant, quasi in claritate luminis exultant cum mundo ridentes, hi qui persistere debent in oratione plorantes. Sed citò citò veniet dies amara, in qua præoccupari funestæ mortis horâ tremendâ incident in manus Domini negligentes Clerici, & sustinebunt iudicium sine misericordia, qui fuerunt inutiles in Ecclesia. Numquid intraisti, o Clerice, ut abires post mundi superbiam, post sæculi gloriam, post visibilibus fallaciam, atque tamquam vacca lasciviens insumeres tempora in vita jucunda? (1) *Vocavit te Dominus Deus ad fletum, & ad planctum, ad calviti-um, & ad cingulum sacci: & ecce gaudium, & latitia occidere vitulos, & jugulare arietes, comedere carnes, & bibere vinum.* Nonne bona res? Intraisti ut pro te, & pro populo preces effundas, & puris manibus ad Altare sacrificium offeras. Sed proh dolor! (2) *qui sunt isti*, qui ut nubes volant, & quasi columbæ ad fenestras suas? *qui sunt*, nisi Clerici corde dissipati, die, ac nocte in incertum vagantes quasi columba seducta non habens cor? Væ miseris, qui recedentes a domo Dei egrediuntur extra cordis cubiculum,

atque

(1) Isaïæ c. 22. v. 12.

(2) Idem c. 60. v. 8.

atque tentati ab oculorum concupiscentia tota viscera effundunt per fallax mundi choragium distracti ab officio, proprio raptati desiderio, obsequentes mundo, audaces, (1) *sibi placentes, perficientes sensualia velut irrationabilia pecora, deliciis affluentes, in conviviiis suis luxuriantes, pellentes animas instabiles, cor exercitatum avaritia habentes, maledictionis filii derelinquentes rectam viam, & amantes injustitiæ semitam: fontes sine aqua, & nebulae turbinibus exagitatae, quibus procella tenebrarum servata est in æternum.* Millies foelix Ecclesia Dei, si inter periculosas tribulationes, quas patitur, ab huiusmodi Clericis libera gloriaretur. Vivunt enim in Ecclesiæ contumeliam, in Sacrorum Mysteriorum injuriam, atque in Christiani populi deplorandam ruinam: quorum oratio, si qua est, eis sit in peccatum, & victimæ in detrimentum.

Vos autem non sic, Fratres mei dilectissimi: accedamus ad cor altum ruminantes Ministerium nostrum. Intelligamus, cujus officii munera suscepimus, & ab orationis studio minime desistamus. Sacerdos quippe, ubi Sacrae unctionis suscepit Sacramentum, suscepit Mediatoris officium. Mediationem ad Principem obire nequit, qui ei in amicitiiis familiariter junctus non est. Ut autem quis ei in amicitiiis familiariter conjungatur, diuturna consuetudo requiritur; alioquin si amicus non est, quam confidentiam habet, ut oret, & quam spem,

ut

(1) S. Petr. 2. c. 2.

ut id quod postulat, impetret? Igitur necessaria est ad amicitiam consuetudo; & amicitia, ut acceptabilis esse possit oratio. Assidua oratio, Fratres mei, requiritur ex officio non tantum pro populo sed etiam pro adipiscenda sanctimonia, quæ exigitur a Ministerio. In loco obscuro haud discerni potest color niger ab albo. At si quis faciem intromittat accensam, festucam videt etiam minutissimam. Animum evertere ab oratione est in tenebris ambulare: idcirco via non orantium obscura, & nesciunt ubi corruant. Orationi insistere est utique lucernam ardentem in manu tenere. Oratio namque intellectum dat parvulis, mentem illuminat, ut is, qui orat, offendicula videat, ne cadat. Volumus ergo, Fratres charissimi, pravorum hominum imitari conditionem, eorum scilicet qui dilexerunt magis tenebras, quam lucem? Absit a prudentia vestra consummata hæc stultitia. Deficiente oratione languescit animus erga spiritualia: inerascantur passionibus erga caduca. E contra per orationis exercitium stillat pinguedo superflua, & extinguitur amor creaturarum. Stillat illuminatio mentis, inflammatio voluntatis, & affectus devotionis. Per orationem stillat sapientia, & omnia bona pariter cum illa. Unde homo sine oratione, homo phantasma.

Accedamus ergo, Fratres mei, (1) cum humilitate ad Dominum in toto corde clamantes, si forte remittat nobis

ve-

(1) Omnes genuflect.



vecordiam, sensum licentiam, orationis incuriam, mortalemque refugientis animi dignetur amovere desidiam. Peccavimus Domine, injuste egimus Officii institutum despectui tradentes, atque orationis negotium, quod præcipue exigitur a Ministerio, persequi recusantes. Indigni propterea vocari Sacerdotes, neque digni mensæ Coelestis esse participes. Fascinata mente a nebuloso spiritu indisciplinatæ passionis stantes non fuerunt pedes nostri in atriis tuis, sed potius orationis domo derelictâ erravimus dissoluti tamquam filia vaga, nunc autem redeuntes ad cor ad te deprecantes clamamus, ut tibi in oratione confitentes exaudias, atque Spiritum tuum super nos benignus infundas, neque unquam patiaris, ut alio distracta mente spiritum relaxemus ab oratione: qui vivis & regnas &c.

*Mediâ horâ ante refectiunculam descendunt cuncti in Ecclesiam ad flagellationem. Finitis Psalmo Miserere, De Profundis & Oratione Deus, qui culpa offenderis &c. Prædicator inter flagellandum hunc contritionis actum dicit.*

**I**rritavimus iram tuam, Domine, quia peccavimus nimis in vita nostra. Majestatem tuam offendimus, frontose deliquimus: idcirco inter vestibulum, & Altare ploramus confitentes in cordis amaritudine iniquitates nostras, si forte sit spes (1). Aberravimus a justitiæ semita,

C di-

(1) Jerem. thren.

discessimus a rectitudine, sed ecce ipsi nos reprehendimus, & agimus poenitentiam in favilla, & cinere. Polluimus Sanctuarium tuum profanantes locum habitationis sanctæ tuæ, & digni non sumus respicere Cœlum præ multitudine iniquitatum nostrarum. Et nunc, Domine, induti poenitentiae sacco, jacentes in doloris cilicio, atque humiliantes animas in jejunio faciem tuam requirimus ut misericordiâ motus ignoscas, quæ stultè peccavimus, & dimittas, quæ negligenter egimus. Dimitte, Domine, dimitte secundum miserationum tuarum multitudinem, & ne des selectam hæreditatis tuæ partem in perditionem. Emitte Spiritum tuum de Altissimis, cujus flammâ ardentissimæ charitatis, & potentiâ virtutis serviamus tibi in sanctitate, & justitiâ coram te omnibus diebus nostris, donec depositâ carnis sarcinâ gloriemur in Aula Sancta tua laudem dantes sedenti in Throno per infinita sæcula: Amen.

---

# SEPTIMA DIE

Vocalis Oratio omittitur.

---

## SERMO VI.

*Ego vos elegi, ut eatis & fructum afferatis.*

**I**N præsentī sermone, Fratres charissimi, quem de Prælati mandato ad vos habere constituo, obviam sit admodum copiosa materia: occurrunt multa, quæ si adusque calcem essent elucidanda, non sufficeret diei hora. Aperiam tamen opitulante Domino quæ magis utilia, atque opportuniora esse judicaverim, ne nimis longum videar texere sermonem.

Presbyterum ex ipsa Presbyteratus naturâ ad evangelizandum teneri nemo, qui medioerem possidet intellectum, vocavit in dubium. Etenim sicut optimè nostis luce clarius patet ex Scripturis: ubi legimus, quod in rationali Sacerdotis inscriptum erat (1): *doctrina & veritas*. Hoc totum factum est non tantum ad illos, qui Judaicæ legis peritiam profitebantur, ut de lege plebem instruerent, quantum ad novæ legis Sacerdotes, qui æternæ veritatis voce sal terræ numcupa-

C 3

ti

(1) Exod. c. 28. v. 30.

si hominum infatuatam naturam doctrinarum sapore condire specialiter adstringuntur. Siquidem Presbyteratus non propter Presbyterum sed propter populum institutus est: ut offerat scilicet Sacrificia & eos, qui ignorant, & errant, per disciplinam doctrinae suae ab errore liberet, & ignorantia. Præterea, si nominis natura spectanda sit, Presbyteri dicebantur senes in populo; qui quatenus ab antiquis scientia repleti, & Patres patriæ non solum præbebant civibus matura consilia, verum etiam spectabat ad eos euram gerere de providentia. Unde qui cooptati sunt Presbyterio, secundum ipsam nominis significantiam debent doctrinae provisionem suppeditare populo. (1) Presbyteri quemadmodum olim Moyses in adiutorium sibi septuaginta viros elegit, electi sunt in Presbyteratum: quia Evangelicæ prædicationis officium soli Episcopi sustinere non possunt. Hinc est, quod cum Sacerdotio initiantur (2), in coadiutores Episcoporum adinstar senum, qui de consilio Jetro Sacerdotis Madian Moyse partes agebant, assumi dicuntur. Cum igitur præcipuum Episcoporum munus Evangelica prædicatio sit, ille in Sacerdotii invehitur institutum, qui obire contemnit Evangelicæ prædicationis officium. Etenim super muros Jerusalem militantis custodes constituit nos Dominus, ut non taceremus, die ac nocte declamantes contra vitia, quæ in-

va-

(1) Exod. c. 17. v. 22.

(2) Ut patet ex Pontifical.

valescunt in plebe Christiana. Clama, ne cesses, ait ad quemque nostrum Dominus per Prophætam (1), & quasi tuba exalta vocem tuam: Speculatorem enim te dedi domui Israel: audiens ergo ex ore meo sermonem annunciabis eis. Et quidem valde formidandum est, quod subditur, Fratres charissimi; si me dicente ad impium, morte morieris: & locutus non fueris, ut se custodiat impius a via sua, sanguinem ejus de manu tua requiram. O! O! quam periculosos conscientiae terrores congerit in futurum, qui subtrahit Dei verbum! O quot, & quanta mala timere debet in illa mortis hora tremenda, qui electus in domo Dei viventis, ut praebeat populis documenta salutis, & retrahat impios a semita iniquitatis, tacitam vitae seriem traducit in medio plebis! Quid fiet de Sacerdote, qui peccante impio sine conscientiae scrupulo vacat silentio? Ad nos, Fratres dilectissimi, ad nos sermo Domini factus est: non ad solos Ecclesiae Praelatos minae, & terrores, sed nihilominus ad Presbyteros: ipse enim Christus Dominus ultra duodecim designavit & alios septuaginta duos, & misit illos praedicare. Per duodecim accipiuntur Praelati. Per septuaginta duos Presbyteri. Arbitrabamur, Fratres mei, Presbyterale officium nihil aliud esse, nisi redditus ab Ecclesia percipere, otio vacare, ventri indulgere, divinum officium elidere per finalepham, intra horae qua-

C 3

dran-

(1) Ezech. c. 33.

drantem absolvere Missam, & assumptâ veste, & pileo venire in sæculi confusionem: atque insatiabilibus oculis vagari per Civitatem? Erramus, Fratres mei, erramus, atque non sine summo animarum nostrarum periculo, & populi detrimento erramus in negotio: nam Presbyterorum officium rite perspectâ rei conditione est utique orationi, & verbo prædicationis instantes esse: prædicare verbum, instare opportunè, importunè arguere, increpare in omni patientia, & doctrina. Ecce Presbyteratus natura. Unde cum ait Christus Dominus: Ego vos elegi, non dicit: Ego vos elegi, ut sedeat is otiosi: non ut decline- tis a loco sanctitatis in domum turpitudinis, vel in viam mundanæ conversationis, sed ut eatis, & fructum afferatis. Ipse ait: *eamus in proximos vicos, ut & ibi prædicem: ad hoc enim veni*. Igitur si ad prædicandum venit, attendat charitas vestra quid dixerit: *sicut misit me Pater, & ego mitto vos*. Jam olim dixerat per Isaïam: *ad evangelizandum pauperibus misit me*. Quemadmodum autem misit me Pater ad evangelizandum, ita mitto vos, ut impleatis prædicationis officium. Hujus rei veritate infallibiliter imbuta, atque Spiritu Sancto edocta Sancta Mater Ecclesia declarat in Concilio (1) Presbyteros adstringi ad populum docendum ea, quæ ad salutem sunt necessaria. Quare Sanctissimus quidam Prælatus (2),  
cujus

(1) Conc. Trident. de Reform.

(2) S. Carolus Borrom.

cujus potissimum sollicitudine prædicta Synodus absoluta est, cum quis ad Sacerdotio initiandum accedebat, in hunc modum interrogabat: dic mihi, fili mi, quæ te causa movet, vel animum pulsat, ut ad Presbyteratus ordinem suscipiendum accedas? Si respondebat: propriæ salutis causa, statim a manuum impositione abstinerebat dicens: vade, fili mi, vade in desertum locum: ingredi Monasterium, & ibi in contemplatione tuum refove spiritum: nam qui Presbyteratum assumunt, non tantum curam gerere debent de salute animarum suarum, sed etiam operam dare, ut salventur animæ ceterorum. Presbyter, Fratres mei, solus non intrat in Cælum. Intrare non potest januam beatitudinis, nisi simul cum animabus sua prædicatione conversis. Quod si non prædicaverit, vel disciplinæ non fecerit fructus, tamquam servo nequam ei negatur introitus: nam ad Presbyteros dicet Christus: *afferte mihi de piscibus, quos prendidistis.* Qui autem non solum nullum piscem prendidit, sed neque retia laxavit, quid, cum ante Tribunal Christi steterit, respondere poterit? Quæ confusio illius, qui cum Ministerium suum implere debuisset, ad sæculi negotia divertit, nihilque curavit a peccatorum cœno revocandas animas, sed toto conatu studebat coacervare pecunias? Expelletur foras, & erit in maledictione, quemadmodum illi, qui non dederunt Christo Domino manducare, nam cibus ejus est, ut fiat voluntas Patris.

Pa-

Patris voluntas exercere est officium Evangelicæ prædicationis. Idcirco Christus Dominus juxta puteum sedens expectabat mulierem illam Samaritanam, ut converteret eam. Quid est ergo, quod, cum ex ipsa Sacri instituti natura Presbyter doctrinæ panem parvulis frangere teneatur, otiosis, & mutis lapidibus plena est Ecclesia Dei, qui ullo sine scrupulo, ullo sine conscientiae remorsu vivunt tamquam phantasmata in Sanctuario otiosè locum occupantes tamquam lignum aridum in eremo? Quæ est hæc cordis eorum pax, & tranquillitas, ut cum Evangelium debeant fidelibus aperire, omnes quasi ligna obmutescunt, ac si electi non essent ad erudiendas animas? Nunquid obligatio Parochi, qua ex justitia adstringitur ad informandam plebem, Presbytero tollit obligationem? Absit: nam si tenetur Parochus ex justitia, tenetur Presbyter ex intrinseca pietatis causa. Qua ergo animi securitate, qua conscientia auribus populorum subtrahitur verbum ab his, qui in toto rigore tenentur explere prædicationis officium? Estne fabula id, quod nobis intimat Scriptura? Ergo ex duobus unum: vel Scriptura est mendacium (quod quidem dicere blasphemia est, & sacrilegium), vel Presbyteri, qui non prædicant populis documenta salutis, salvari non possunt: etiam si sanctæ vitæ tenuerint institutum: quia non sufficit sanctitas personalis, si desit Presbyteralis. (1) Presbyter namque non  
pro-

(1) S. August. in serm. ad popul.



propter se, sed propter populum Sacerdotio initiatus est. Ne miremini, Fratres charissimi, si mutos Presbyteros salvari non posse iactaverim: non solum enim hominem damnat iniquitas, sed etiam in infernum præcipitat inutilitas. Veritas hæc apertè patet ex Evangelio: ubi legimus; *inutilem servum eijcite in tenebras exteriores*. Quid ergo prodest Presbytero non esse reum iniquitatis, cum sit inutilis? Pari modo iniquus, & inutilis mittuntur in stagnum ignis ardentis. Non sum idoneus, dicet aliquis. Ignorans es? disce. Movendi gratiam non habes? posce. Moralis ignorantia te liberare non poterit a superventura miseria: imo est culpa, qua Dei provocatur ira. Igitur suda, opus fac Evangelistæ, labora, & docebit te multa magistra scientiarum experientia.

Sed heu! heu! Plena est terra Sacerdotibus, qui speciosa proprii cerebri opinionione traducti, vel desidiæ torpore, vel negligentiae vitio potenter affecti malunt sibi acquirere damnationem, quam inconcussam suscipere veritatem. Tamquam flocci habentes sententias Scripturarum libenter sustinent dæmonium, & illud erat mutum. Hinc est quod hodie solemni auctoritate repulsâ gregatim videntur inutiles in Ecclesia accipientes contra justitiæ lancem sine labore mercedem. (1) Omnes facti sunt canes muti non valentes latrare videntes vana. Væ Presbyteris, væ Sacerdotibus, qui debi-

(1) Isai. c. 56. v. 9.

tæ prædicationis non afferunt fructum! vae qui talentum abscondunt! Ficulnea, quia esurienti Christo poma non dedit, maledicta fuit a Domino, & continuo aruit. Nunquam potuit Ecclesia Dei in periculosius descendere præjudicium, quam cum labia Sacerdotis retinere silentium: nam cum verbo Domini firmatum sit Regnum Cœlorum, quod est Ecclesia, tacente Sacerdotis lingua non solum nova non ædificantur, sed & structa labuntur. Etenim calamitas calamitatum taciturnitas Sacerdotum. Non Neronis freneticus furor, non Diocletiani furibunda rabies sic contribulavit Ecclesiam Salvatoris, ut silentium Cleri verbum retinentis in tempore salutis: nam silente Evangelicâ tubâ deletur a facie hominum futurorum memoria, & populi indisciplinati facillimè labuntur in vitia. Si perstrepenste Evangelica tuba adhuc non desunt scandala, quanto magis, si prædicationis cessaverit in Ecclesia? Idcirco quia muta facta sunt labia, invalescunt in populo prodigiosa delicta. Quia in prædicationis fræno non constringuntur maxillæ populorum, disparet in plebe iustitia, & charitas, & sola gyrat indomita conscientiae libertas. Videmus, quod muros populi circundet iniquitas, usura, & dolus, ambitio, superbia, & vanitas; sed Sacerdotes in foro stantes totâ die otiosi revolventes animo negotiationes suas. Omnes non lucra quæerunt animarum, sed quæ sua sunt, quæerunt. Negare non possumus, quod multi prædicent,

cent, sed quid prodest, eum non ædificent? Multi prædicant non in animarum capturam, sed ut acquirant famam, & ut habere possint, unde gloriosè vivant: quo factum est, ut Spiritus Sancti Cathedralam profanaverint in gratiam sui adulterantes verbum Dei. Prædicatio namque, quam hodie audimus, multiplex est: alia est chymerica: alia profana: alia histrionica: alia pharisaica: alia philosophica, & alia Evangelica. Chymerica est, qua multi prædicatores utuntur, qui ut eruditorum, & sapientum opinionem acquirant, ideas elevant profunda, & sublimia loquentes, & quasi recondita penetrantes, quæ nec ipsi capiunt, neque audientes intelligunt, quia sermonem non prædicant, sed labyrinthum. Ut autem conceptionum suarum inextricabilem simulent machinam, altisonantium vocum periphrasi sermonis telam exornant. Scopus eorum in eo est, ut rethoricis calamistris demulceant, atque vocum tintinnabulis aures suspendant. Sed, quod quidem valde mirandum, quanto imperceptibilius loquuntur, tanto doctiores, & sapientiores habentur: cum ipsi non intelligant, neque quæ loquuntur, neque de quibus affirmant: quia sermo eorum in summa verba ventosa, & nulla substantia. De hujusmodi Prædicatorum sermonibus dicitur per Prophætam: (1) *Majores miserunt minores ad hauriendam aquam, & reportaverunt vasa sua vacua. Non sunt pruna, quibus calefiant; nec focus, ut sedeat*

(1) Jerem. cap. 14. v. 3. Isaïæ cap.

*deant ad eum*: sed circumloquia importuna, verba pomposa, & inania ratiocinia, in quibus nihil utile, sed cura superflua. Væ Prædicatoribus, qui in patula loquutione faciunt sibi linguam inanem! quia, sicut legimus, (1) *qui ventum feminant, turbinem colligent*. Melius erat illis silentio operam dare, quam futilia verba jactantes audientium aures bullis implere. Profana prædicatio ea est, qua multi utuntur miscentes sacra profanis fundantes rationem sermonis in persuasibilibus humanæ sapientiæ verbis. De Musæo, non de Evangelio telam ordiuntur pluris facientes fabulas poetarum, quam testimonia Sanctorum. Eruditionis famam ambientes de somnis gentilium sua verba componunt, atque, quod scelestius est, ad Comediæ modos sermonem contexere consueverunt adulterantes, & extorquentes simul sensum Scripturarum ad probandas futes, & extravagantes ideas, (2) *quasi grande sit, & non vitiosissimum dicendi genus depravare sententias, & ad sensum suum Sacram Scripturam trahere repugnantem*. Igitur, qui Scripturam intelligit non in sensu, quo a Spiritu Sancto est, licet ab Ecclesia non recesserit, tamen utpote hæreticus habendus est. Mea non est hæc sententia, sed Hyeronimi Doctoris Maximi. Histrionica prædicatio illa est, qua nonnulli utuntur auditorum animos narratiuncularum lepore ad risum excitantes Spiritus

(1) Osee c. 8. v. 7.

(2) S. Hieron. in ep. ad Paulin.

tus Sancti Cathedram in scenam convertere non verentes. Verborum sale, & facietis locum corrumpunt, quem Spiritus Domini consecravit non ad risum, sed ad cordis gemitum, luctum, & planctum. Hujusmodi Prædicatores jure merito repelli debent a prædicationis officio, quatenus Sacratissimo Verbi Dei Ministerio gravem inferunt iniuriam profanantes Cathedram, quam constituit Dominus, ut peccatores contristentur ad poenitentiam. Pharisaica ea est, quam permulti exequuntur docentes ea, quæ ipsi non operantur: quorum doctrina imperfecta dicitur, & fructu vacua: nam vigor prædicationis exemplum est prædicantis. Quid prodest, si Prædicator vocem suam exaltet dicens: eleemosynam facite: cum ipse sit servus avaritiæ, neque tribuat necessitatem patienti? Quid si dixerit: carnem vestram domate jejuniiis, cum ipse se gerat adinstar divitis Epulonis? Quid magis ridiculum, quam Prædicatorem crassum prædicare jejunium? Etenim pallor, & macies decor est prædicantis, & exemplum audientis. Deformis doctrina est, si quis verba jactet, nisi prius actu compleverit ipsa, quæ docet. Non magnus vocabitur, qui docet, sed qui fecerit, & docuerit. Docens, & non faciens quid aliud est nisi es sonans, aut cymbalum tinniens? Sal infatuatum dicitur in Evangelio, qui profert verba, & non opera in Dei populo. Unde dicitur in Psalmo: *Si vere utique justitiam loquimini, recta judicate, filii*

*hominum*. Prædicatores ergo; qui corpus suum non castigant, reprobi efficiuntur, cum aliis prædicant. Continget eis id, quod Stellæ Magorum contigit. Stella Magos ad adorandum puerum introduxit, ipsa vero foras remansit. Introducunt multos prædicatione sua in gloriam Aulæ Cœlestis: ipsi vero expelluntur foras partem habentes cum hypocritis. De eis fiet id, quod de aqua baptisnatis fit: quæ postquam aliorum diluit immunditiam, ipsa mittitur subtus terram. Philosophica prædicationis illa est, quæ neglecto Evangelicæ prædicationis fine; qualis est Sanctorum virtutes exponere, & ad eorum exempla sectanda audientium animos provocare, importunis quæstiunculis in subtilitate ingenii extorto quandoque, vel violente accommodato Scripturarum sensu probare insistit utrum Paulus sit major Petro, vel Petrus sit major Paulo: quo fit ut ob puerilem idearum subtilitatem nonnumquam monstruosas, & hæreticas propositiones eructent. Prædicavit quidam Joannem Baptistam Christo esse majorem: quod in hunc modum probabat: Christus integer Cœli januam intravit, Joannes vero, quia major erat, integer intrare non poterat. Unde necesse fuit, ut ei caput absunderetur: quia cum capite intrare non poterat præ magnitudine. Prædicavit quidam Antonii Abatis potestatem in ejiciendo dæmonia Christi potestate esse majorem: quod sic probabat: Christus, cum dæmonia ejiciebat,

in

in verbo imperabat eis, ut exirent sicut patet ex Matthæo (1). Antonius vero non sic. Necessè non erat, ut imperaret: sed etiam longè absente, invocato tantummodo ejus nomine hi, qui habebant dæmonia, liberabantur. Quid magis risu dignum, imò quid magis blasphemum? Innumera sunt absurda, quæ audiui. Deturpant prædicationis officium hujusmodi Prædicatores, atque ridiculum faciunt Evangelii venerabile Ministerium. Jactantes ab ore incircumspectas quæstiones indignè ascendunt Cathedram doctrinæ Coelestis in manifestam injuriam Evangelicæ veritatis. Prædicatio Evangelica illa est, quam pauci exercent præcedente optimæ conversationis exemplo, nihil immutato sanctæ vitæ instituto, ut pauca loquar, nihil docent, nisi quæ prius ipsi non fecerint in doctrina sana, in circumspecto sermone, serio, & gravi Sacram exponentes Scripturam secundum interpretationem Canonicam cum opportunitate similitudinum, seu gratia parabolarum captivantes intellectum. Non sicut quidam Missionarii faciunt, qui ut audientium animos moveant, confectâ aqua nudum brachium intingunt, & igne accendunt, ut exardescente brachio, & spirante flammam auditores terrore concutiantur ad pœnitentiam. Alii faciunt, ut unus é porta Ecclesiæ, alter é Sacristia, alter é cornu Epistolæ, alter é cornu Evangelii singuli singulis facibus accensis insperato impetu se prodant ad

D 2

me-

(1) Cap. 8. v. 16.

mediam usque Ecclesiam : quo fit , ut  
 repentina hac illuminatione , & Missio-  
 nario clamante voce majori audientes  
 pavore contremiscant . Nonnulla alia fa-  
 ciunt ridicula , & loquuntur impropria  
 a zelo sine scientia . Ad hujusmodi Præ-  
 dicatores ait Dominus per Prophætam :  
*Quid paleis ad triticum ? Numquid verba*  
*mea non sunt ignis, & quasi malleus con-*  
*terens petram ? Loquimini ad cor Jerusalem .*  
 Non eget Spiritus veritatis artificio hu-  
 jus comicæ repræsentationis . Quiescat er-  
 go Missionarius in loco suo , atque vi-  
 vâ cum efficacia opportunarum rationum  
 convincat audientis intellectum , hæc est  
 enim prædicatio fructuosa , sancta fama ,  
 & gravis sententia .

Sed o ! Fratres mei , quam pauci in-  
 veniuntur , qui fructuosè in vinea labo-  
 rent ! Elegit eos Dominus , ut eant , & fru-  
 ctum afferant . Euntes ibant , sed non  
 fiebant mittentes semina sua . Eunt non  
 ut excolant vineam : sed vacuam por-  
 tantes peram , ut impleant , adulterant  
 Verbum Dei referentes Ministerium , ad  
 utilitatem propriam . Assumunt sub pie-  
 tatis specie prædicationis officium : ipsi  
 vero intentionis depravantes oculum ver-  
 tuntur ad ambitionis argumentum . Sunt  
 quidem eximii Prædicatores : sed non  
 omnes Apostolici : prædicant enim , ut si  
 forsitan detur ascendere ad culmina Di-  
 gnitatum , ad pingue Beneficium : quo-  
 rum prædicatio partus est ambitionis ,  
 filia cupiditatis . Sed quod deterius est ,  
 obtento eo , quod irrequieto ambitionis ,  
 pru-



pruritu desideraverant, a prædicatione cessant, quia finis eorum non erat salus animarum, sed turpe lucrum. Unde alios angariant ad vineæ culturam, & ipsi quieti dantes locum mercedem sine labore percipiunt. (1) Quid est, quod Parochi sine conscientiae scrupulo per notabile tempus ultra a Patribus assignatum Parochiam deserunt, & fratri, quem è Claustro avocant, Parochiæ curam committunt? In quo Canone, in qua Conciliorum sanctione hac legitur uti posse facultate, cum eis non liceat, nisi inevitabili causa, & de Episcopi licentia a Parochia abesse? Tria inferunt mala: primo; quia fratrem a sui instituti observantia retrahunt contra solemne fratris propositum: quod quidem vergit in spirituale ipsius fratris detrimentum: nam sicut pisces si tardaverint in sicco moriuntur, ita fratres, si tardaverint extra cellam, a quietis proposito relaxantur. Secundo: quia initæ conventionis fœdus dissolvunt: nam ex ipsa contractus naturâ, & expressis Sacrorum Canonum, & Conciliorum sanctionibus per seipsos non per Vicarium, seu substitutum, Parochiæ inservire tenentur: ajunt enim in Tridentino Patres nostri; (2) *Non per Vicarium, seu substitutum, sed per seipsos compellantur obire officia.* Unde ad restrictionem saltem in foro conscientiae adstringuntur. O misera hujus difficultatis

D 3

ho-

(1) A Concilio Trid. duo menses: non tamen in Adventu, vel Quadragesima.

(2) Sess. 12. de Ref.

horæ calamitas! Prævaluit in Ecclesia Dei iniqua consuetudo adversus Evangelium, adversus justitiæ constitutum, adversus rationis instinctum, adversus statuta Patrum, ut quis Parochiam, vel specialem aliam curam habeat, totam sibi rem percipiat, & modicâ mercede substitutum conducat, qui pro eo injunctum sibi Ministerium impleat. Quid iniustius, quid iniquius, quid periculosius in Ecclesia Dei? Quid magis rationi dissentaneum, quam qui non laborat, totam laboris mercedem percipere, & is, qui in labore sudat, tenue pro laboris pondere stipendium sibi vindicare? Parochus impinguatus, incrassatus, dilatatus, otio deditus dies transigit in vita jucunda, & pauper substitutus, qui portat pondus diei, & æstus ex tota sui laboris instantia vix sibi ad victum vindicat sufficientia? Monstruosa quidem res. Impletur, quod per figuram dicitur: *boves arabant, & asini pascebantur*. Hujusmodi Parochi in labore hominum non sunt, & cum hominibus non flagellabuntur: sed utique in die illa duriori poenâ plectentur. Sed, proh dolor! quid facient Parochi, cum hæc eadem faciant Episcopi? Episcopi namque Parochum utpote Episcopali Aulæ idoneum eligunt in Ministrum, ut Secretarium, qui quamquam ad hoc assumptus est Ministerium, adhuc tamen sibi retinet beneficium conducto substituto ad suarum curam animarum. Qua conscientia, & quo jure id fieri possit, penitus ignoro. Illud tamen scio rite per-

ipse-

spectâ contractus naturâ, quod in toto rigore justitiæ teneatur Parochus, vel Episcopi dimittere Ministerium, vel beneficium. Quod si Episcopus Parochi personâ indigeat, de Episcopalis Mensæ facultatibus victum præbeat: non vero de iniuste retento beneficio, cujus cura geritur per substitutum: quia tibi retinere beneficium, furtum est, rapina est, sacrilegium est. Tertio: quia oves, si mercenario tradantur, non, sicut oportet, bene pascuntur. Hæc tria mala parit substitutio in Ecclesia. Idcirco Ecclesiæ Spiritus substitutum habere non permittit, sed tantummodo coadiutorem, cum labor fuerit ultra virtutem.

Prævalet insuper malum in Ecclesia Dei contra justitiæ lancem, contra rationis torrentem. Videmus multos beneficia, quæ vulgo simplicia dicuntur, habentes, ex quibus multa ducatorum milia percipiunt, abundantes Ecclesiasticâ substantiâ, & nullum omnino gerunt servitium in Ecclesia: imo nolunt ad Sacros Ordines promoveri, sed Clericali tantum tonsurâ contenti vivunt turpiter dissipantes patrimonium Crucifixi: quo quidem nihil magis justitiæ rationi contrarium: nihilque a Sacratissimo Ecclesiasticorum bonorum instituto magis alienum. Dispensatores suos nepotes onerant de Ecclesiæ bonis: satiant familiam suam muneribus sacris: beneficium sine officio conferunt in detrimentum animarum suarum. Non enim jus, non fas, non lex ulla est, quæ collationem licitam faciat,

neque bonorum perceptionem iustè retineri posse concedat. Dispensator autem rerum naturam mutare non potest, sed ordinare. Exigit ergo ipsa Ecclesiasticorum bonorum natura, ut his conferantur beneficia, qui iuge exercent servitium in Ecclesia. Alioquin Ecclesia dici non debet Mater iustitiæ, & rectitudinis, sed Mater confusionis. Quis credat, quod Ecclesiæ spiritus iste sit, conferre Clerico duo, tria, vel quatur millia ducatorum, ut perambulet vagabundus, ut vivat otiosus, vel ut forsitan Ecclesiæ substantiam dissipet cum meretricibus? Ego non credam in æternum: nam Ecclesiæ spiritus iste est, beneficia conferre iuncto cum labore: ait enim Apostolus: *qui non laborat, non manducet*. Dicebat lex: *non alligabis os bovi trituranti*. Consequens est: ergo bovi non trituranti os alligandum est: quia juxta tritum illud verbum: *Exceptio firmat regulam in contrarium*.

O pauper, ut hæc dicam, Ecclesia Dei! O commiseranda Mater! Omnes operoso cordis hiatu non eunt, sed currunt: currunt, non ut Salvatoris excolant vineam: non ut fructum afferant, sed ut crudeliter devorent Ecclesiæ medullam. Si Ecclesia dignitates, & temporalia bona non daret, vix reperiretur, qui Clericus fieri vellet. Sed quia dat Cardinalatus, Episcopatus, Canonicatus, & hæc omnia copiosis cum redditibus, & prævaluit insuper pessima consuetudo retinendi rem, & honorem, & aliis com-

mit-

mittendi laborem, ebulliunt sicut mures, qui Tantalica siti agonizant, ut ad rei, & honoris culmen ascendant. Hæc est plaga, de qua dicit Isaias, *plaga, quæ neque est circumligata, nec curata medicamina, nec fota oleo, sed plaga desperabilis* in Ecclesia Dei. Multi, qui manducent, sed pauci, qui de labore cogitent. Quid ergo sibi vult: Ego vcs elegi, ut eatis, & fructum afferatis, nisi ut laboretis? Mercede sua dignus est operarius, non otiosus. Præveniunt utique Dei sententiam hi, qui sine labore Ecclesiæ volunt possidere substantiam. Dixit namque Deus: *in sudore vultus tui vesceris pane*. Et alibi scriptum est: *labores manuum tuarum, quia manducabis. Beatus es, & bene tibi erit*. Igitur, si beatus est, qui laborat, infelix est otio deditus, pane indignus, & homo periculosus. Pane indignus; quia stante Dei sententiâ, qui sectatur otium, jus non habet ad alimentum. Homo periculosus; quia secundum Scripturas, *multam malitiam docuit otiositas*. Heu! heu! miserrima omnium calamitas in Ecclesia Jesu-Christi hæc est edones multi: operarii autem pauci. Latrones, qui Dei Sanctuarium spoliant, multi. Ministri, qui utiliter Ecclesiæ inserviunt, pauci. Non quærentur virtutibus præditi, non litterari, non qui Ecclesiæ prodesse possint: sufficit, ut quis ad Ecclesiasticas Dignitates ascendat, ut consanguineus sit, vel amicus, vel homo pecuniosus, vel primæ nobilitatis, vel potentum favore auctus. Si talis sit etiam  
 si idio-

si idiota fuerit sufficit. Sub modio latent, qui prodesse possunt, indigni, & inutiles ponuntur super candelabrum. Oportet potius perpetuis lacrymis operam dare, quam hae de calamitatis angustia, quam patitur Mater Ecclesia, sermonem habere.

O Deus Omnipotens, adorande, colende, tremende, terribilis in Maiestate faciens prodigia, admirabilis in misericordia, filiorum hominum mala sustinens in patientia, emitte in potentia virtutis tuæ Spiritum tuum de altissimis super viscera Sacerdotum, ut ablata ex eorum cordibus seoria terrenæ cupiditatis reparentur ad studia virtutis, & convalescant ad opera Evangelicæ prædicationis. Aufer otiosos, & inutiles ab Ecclesia sancta tua, neque habitare patiaris rapaces prædones in medio domus tuæ. Mitte operarios in vineam tuam, quorum corda ignorent penitus avaritiam. Aperi, Domine, labia nostra, & deduc nos per justitiæ semitas, ut evangelizantibus in Sion lex tua immaculata convertat animas. Ne permittas, o bone Jesu, ut comprimat ora nostra dæmonium, & illud erat mutum, sed solve impedimenta labiorum, ut liberé prædicantes verbum tuum demus operam, ut justi veniant ad uberiores gratiam, & peccatores ad poenitentiam; donec omnes conformes facti imaginis tuæ venientes, veniamus cum exultatione, portantes manipulos messis ad Thronum tuæ divinæ Maiestatis, ubi cum Patre, &  
Spi-

Spiritu Sancto vivis, & regnas per infinita sæcula. Amen.

## VESPERTINUM II.

*Venit nox, quando nemo potest operari.*

**O** Charissimi! o charissimi! quam amara est mortis memoria! Durissimum jugum super cervices hominum imposuit prima culpa Parentum. Ipsa est rerum ultima linea, ferox, & inexorabile malum; cujus funestum aspectum super omnia mala exhorret ipsa natura. Illam non facit Deus universorum, sed per invidiam introivit in orbem terrarum. Quam amara sit mors, ignoramus, quia adhuc vivimus. Quis scire potest, quo dolorum torrente crucietur, qui cum morte luctatur? Solus ille, qui moritur: neque, quis, ut nobis referat, superstes relinquitur; quia spiritus vadit, & in hominis viscera non revertitur. Quotidie videmus, quod similes nobis, qui, quemadmodum & nos, habent vitæ spiraculum auferuntur de regione vivorum: & sola frigida restant insensibilia cadavera, quæ tenebroso inclusa sepulchro revertuntur in terram, de cujus limo susceperant formam. Ibi omnes filii Adam cessant a tumultu. Ibi quiescunt negotia mercatorum, insomnis vigilantia divitum, sollicitudines, industriæ, labores, & artes viventium. Ibi gloriosi sedent in pulvere, in terra habitant tenebrosa operta mortis caligine. Ibi sæculi poten-

tes

tes dormiunt: atque donec atteratur Cœlum, non evigilabunt. (1) Lignum spem habet. Si præcisum fuerit, rursus virefcit, & rami ejus pullulant. Si senuerit in terra radix ejus, & in pulvere emortuum fuerit truncum illius, ad odorem aquæ germinabit, & faciet comam quasi cum primum plantatum est. Homo vero, cum mortuus fuerit, & nudatus, atque consumptus, ubi, quæso, est? Quomodo si recedant aquæ de mari, & fluvius vacuefactus arescat: sic homo, cum dormierit, non resurget. Ventus est vita hominis, & vapor ad modicum parens, atque post breve, & laboriosum vitæ spiraculum solum ei superest sepulchrum. Ecce mortui, Fratres mei, in terra oblivionis jacent, quasi non fuissent. Fuerunt quondam, quod sumus nos: atque itidem erimus, quod ipsi sunt. Hodie vivimus, & cras forsitan in sepulchro erimus. Nihil enim certius, quam mortis pœna. Nihil tamen incertius, quam mortis hora. Quid igitur agimus nos, qui vivimus? Quare inæstimabile vitæ tempus sic stulté dissipamus, dies nostros sic temeré dissipamus? Laboramus insania, dum ita contemnimus pretiosa tempora. Ad unumquemque nostrum loquitur Scriptura; *Quodcumque potest operari manus tua instanter operare, quia nec opus, nec ratio, nec scientia apud inferos, quò tu properas. Et alibi: Ante obitum tuum operare justitiam, quia non est apud inferos invenire* ci-

(1) Job. 14. v. 1.



*cibum*. Cicada stultum animal totam æstatem cantans traducit, idcirco adventante hyemis frigore perit, quia in æstate cibum sibi non congregavit. Formica vero, quia prudens, congregat in æstate cibum sibi: Die, ac nocte operosa non quiescit portans quandoque onera majora, quam corpora. Idcirco vivit, quia æstivo tempore sibi alimenta paravit. Et nos, qui intellectivâ potentiâ præditi sumus, Cicadam imitantes tenemus tympanum, lyram, & cytharam, & gaudemus ad sonitum organi in conviviiis nostris in tempore accepto, in die salutis? *Qui congregat in messe*, ait Scriptura, *filius est sapiens: qui autem sterit æstate filius est confusionis*. O Fratres mei! perpetuo ejulatu digna est cæcitas, & fasciatio nostra. Quæ in juventute nostra non congregavimus, quomodo in senectute nostra habebimus? Omne quod in mundo est, perit. Sola virtus post funera vivit. Quæ autem seminaverit homo, hæc & metet. Quæ congregaverit, hæc habebit.

Heu heu! sicut aquila volans ad mortua corpora transeunt tempora, atque momentaneum hoc vitæ spatium non nisi ad poenitentiam nobis indultum est. Isaias enim dicit (1): *vocabit Dominus Deus ad fletum, & ad planctum, ad calvitium, & ad cingulum sacci: & ecce gaudium, & latitia, occidere vitulos, & jugulare arietes, comedere carnes, & bibere vinum*. Infaniunt, dilectissimi, infaniunt,

E

qui

(1) Cap. 2. v. 12.

qui sic temeré poenitentiae tempus insu-  
munt, & de proximé superventuro angus-  
tiae tempore non reflectunt. Stultus est,  
qui nescit providere in posterum. Insuper  
est, qui ultro captivatur fallaciâ visibi-  
lium. Mori inevitabile est: legimus enim  
*quis est homo, qui vivet, & non videbit  
mortem?* Igitur in illa mortis hora tre-  
menda, quando accedat medicus, &  
habitâ pulsatione mortem annuntiet,  
quando contenebratâ jam jam visivâ po-  
tentia, turbatâ corporis structurâ, intum-  
escente jam pectore, atque operta fa-  
cie mortali pallore difficilé respiremus,  
quando nulla omnino vivendi spes eluceat,  
sed jam mors ipsa funesto aspectu nos  
terreat, cui similes, quæso, vixisse de-  
siderabimus? Certo quidem in tam cri-  
tica angustia Antonii, Macarii, seu Ar-  
senii vitam tenuisse desiderabit anima  
nostra. O, dicet, qui moritur, quis ab  
infantia filiorum hominum tabernacula  
reliquisset, atque in vastissimæ solitudi-  
nis latibula penetrasset, ubi in fletu &  
planctu, in cilicio, & cinere inter dolo-  
rem, & amaritudinem nunc spiritum  
Deo redderet! O quis sancté vixisset!  
Quare ergo, Fratres mei, nunc, & in  
hac die nostra, qua salute valemus, ta-  
les non sumus, quales tunc, cum funesta  
mors sua falce nos appetat, fuisse de-  
siderabimus? Argumentum hoc aliam so-  
lutionem non habet, nisi vitæ novita-  
tem ad salutem, vel perditionem. Aliud  
accipite argumentum: Si Rex virum pau-  
perissimum, & infelicem ad se vocaret, &  
di-

diceret: accipe claves ærarii mei, ut per horam argentum, & aurum, quantum possis, tollas. Illud tamen scito, quod si elapsâ horâ nihil tecum tuleris, in misera egestate tua morieris. Responde te mihi, Frâtres, pauper iste neglectâ fortunâ pergeret in lectum, ut dormiret in illa hora? Non credam, quod homo sic insanus inveniatur, ut oblata occasione implendi domum suam argento, & auro, ærarii claves reponat, & opportunum ditandi tempus somno committat. Quare ergo nos hanc vitæ nostræ mortalis horam contemnimus, & elaves, quæ datæ sunt nobis ut ex ærario gratiæ hauriamus opera justitiæ, profundo sopore gravati reponimus. Quare damus somnum oculis nostris, & palpebris nostris dormitationem parvipendentes tempus hoc acceptabile, & stulti negligimus opera poenitentiae? Numquid post elapsam horam amissa restaurare poterimus? Minime: non enim mortui laudabunt Dominum, neque omnes, qui descendunt in infernum. In illa funestæ mortis horrenda nocte nemo potest operari. Sed nos, qui vivimus, Domino benedicere possumus. Vivens, vivens ipse confitebitur Domino, sicut & ego hodie. Venit hora, & jam ante oculos meos est, in qua avolante de carne mea vitall spiritu collocer in obscuris, & ponant viventes lapidem contra me. Ibi cum fuerimus quasi vulnerati dormientes in sepulchris, neque ego jam loqui potero, neque vos jam audi-

re poteritis nisi illam vocem filii hominis, quam audient omnes, qui in monumentis sunt. In somno meo quiescam habitans tenebrosam mortis caliginem: sed rursus post tenebras sperabo lucem.

(2) Quid tunc proderunt omnia quæ in mundo sunt? Transierunt omnia illa tamquam umbra, & tamquam nuncius præcurrens, & tamquam navis quæ pertransit fluctuantem aquam: cujus, cum præterierit non est vestigium invenire. Excutiamus ergo, Fratres mei, de mentis nostræ oculis densam albuginem: & ne despiciamus in interioris domus hospitio recipere veritatem. Operemur bonum: dum tempus habemus. Videte, quia mors non tardat: & sola justitia liberabit vos a morte secunda.

*Post Vespertinum descendunt omnes Sacerdotes ad flagellationem, in qua post Psalmos Miserere & De Profundis opportuna cum oratione clamat Predicator in hunc modum;*

**E**T nunc Domine Deus, Auctor salutis, præstabilis super malitia peccatoris, impiè egimus in Testamento tuo: recessimus a te abeuntes post pravitatem cordis nostri mali: avertatur ira tua a nobis. Respice, Domine, de Domo sancta tua in nos: inclina aurem tuam, & fac misericordiam. Aperi oculos tuos, & vide quia non mortui, qui sunt in inferno, quorum spiritus acceptus est a visceribus suis, dabunt tibi honorem, &  
glo-

gloriam, sed anima, quæ tristis est super magnitudine mali, & incedit curva, & infirma, & oculi deficientes, & anima esuriens dat tibi gloriam, & iustitiam. Converte iram in misericordiam, iustitiam in gratiam, furorem in clementiam. Vide humilitatem nostram, & laborem nostrum, & dimitte omnia delicta nostra. Eja, Domine, parce nobis, & populo, & ne despicias enixè deprecantes pro universo mundo. Ne recedant sine exauditionis solamine preces humilitatis nostræ. Attende de altissimo habitaculo tuo, quia tu Pater noster es, fector noster, & opus manuum tuarum omnes nos. Miserere nobis, Domine, misere in abundantia, & multitudine miserationum tuarum, ut cum Sanctis tuis benedicat tibi anima nostra per infinita sæcula sæculorum. Amen.

---

# OCTAVA DIE

Hodie a mane usque ad vesperum fit  
expositio Venerabilis Sacramenti :  
quamobcausam, & quia cantatur ejus  
Missa solemnis, utraque vocalis Oratio  
omittitur.

---

## SERMO VII.

*Ignem veni mittere in terram ; ☿  
quid volo , nisi ut accendatur ?  
Lucæ c. 12. v. 49.*



Rex gloriæ, mors mortis, vi-  
ta viventis, innovator naturæ,  
auctor reparationis antiquæ,  
extinctor diabolicæ servitutis,  
instaurator amissæ libertatis,  
Triumphator averni, Princeps Principum,  
Rex Regum, & Dominus dominantium,  
aperi tu manum tuam, & da misero  
peccatori puram conscientiam, & linguam  
eruditam. Solve labii titubantis vincu-  
lum, & fiat sicut ros eloquium meum :  
nam quoties de tui amoris incendio ser-  
monem texere cogito, loquelam amitto.  
Nescio loqui. Vellem potius, quam ver-  
ba facere, in altissimæ contemplationis  
occeanum venire, atque ibi divini amo-  
ris flammam intuens acie cordis puri in  
tui

tui amoris verticibus absorberi. Igitur, dum illam nimiam charitatem, qua nos diligere dignatus es, mente pertracto, stupefactus tantâ misericordia, atque inenarrabili affectus lætitiâ vellem per omnia mundi Regna laudis promere cantica, atque universis dicere creaturis: Magnus Dominus, & laudabilis nimis. Quæ te compulit causa, quæ te vicit misericordia, ut pro homine, qui putredo, & vermis est, faceres inenarrabilia? Nonne est, de quo quondam tactus dolore cordis intrinsecus, dixeras: *penitet me fecisse hominem*, & rursus: *non permanebit spiritus meus in homine, quia caro est*? Unde ergo hoc nobis, ut Candor æternæ lucis, filius Patris, figura substantiæ ejus, & imago Bonitatis illius veniat ad nos: visitet nos, cibet nos, & nobiscum sit cunctis diebus usque ad consummationem sæculi? Peccavit Angelus, & Angelo veniam non dedisti. Peccavit miser homo, & teipsum in suæ prævaricationis remedium parasti. Ubi Lucifer tumentis animi arrogantia elatus desipuit, in ima inferorum tartara sicut fulgur extemplo de Cœlo cecidit. Postquam autem peccavit homo, non venis ad eum mane confurgens, ut super eum effundas indignationem, sed deambulans ad auram post meridiem misericorditer vocas delinquentem. Quare ergo, cum excellentioris naturæ sit Angelus, non obtinuit veniam, & homo, cum inferioris naturæ sit, invenit gratiam? Puero tuo sincerè interroganti ignosce, Domine. Judicia tua  
abyf-

abyssus multa. Misereberis, cui volueris, & eris clemens, in quem tibi placuerit. Sed dicere liceat, Deus abscondite, Angelus viam non invenit ad salutem, quia non nisi seipsum habuit tentatorem. Mulier vero serpentem, & homo mulierem, quæ, dum præcepti vinculum rupit, magis mobilitate animi, quam pravitate peccavit. Ideirco invenit homo misericordiam, quia fragilitate deliquit captus ob gulam. Tamen non est inventa ab Angelo remissionis gratia, quia ab eo, & in eo incepta est, & consummata malitia. Superbia intellectus immedicabile malum. Superbia voluntatis potest habere remedium. Potius autem dicendum est, quod causa nostræ reparationis largitas fuit gratuita tuæ divinæ bonitatis, quæ non dum homo patraverat, culpam, cum jam jam abunde paraverat medicinam. Exultet orbis terrarum in laude tua, Domine. Eructent ex corde Psalmum ora filiorum hominum. Benedicat tibi anima mea, & canter misericordias tuas in æternum, quoniam complacuiisti in homine, & inclinaisti Coelos, & descendisti, ut servilem induens nostræ mortalitatis amictum Cruci affigeres Decreti Chyrogaphum, quo humana captivitas tenebatur ad æternæ servitutis infame jugum. Deitatis Majestate sub velamine carnis abscondita appares mundo in similitudinem carnis peccati, & habitu inventus ut homo spoliatus Principatus, & palam triumphans illos in temetipso: atque in ferrata claustra penetrans jam morte delusa in brachio



chio potentiae tuae, & in robore mirandae virtutis eripuisti praedam ab ore leonis. Quid vidisti in homine, ut pro homine, cujus conditio misera, in malum prona ab adolescentia sua, indueres fortitudinem, & faceres tot stupenda magnalia? Quis es tu, Domine, ut ita temetipsum exinanires factus pro nobis maledictum in Cruce pendens? Tu es, qui es. Tetragrammaton Sanctum, & terribile nomen tuum. Una essentia, simplicissima substantia: qui verbo virtutis tuae portas omnia. Tu es omnium rerum esse causale. Bonus sine qualitate, Magnus sine quantitate. Deus sine conditione: immensus sine latitudine, gravis sine pondere: levis sine motu: celer sine cursu: antiquus dierum sine tempore, aeternus sine successione: qui, cum sis immutabilis, mutas omnia: in judiciis terribilis: in consiliis admirabilis. Quid plura? Nescio, Domine, quia omnino incomprehensibilis tu es. Attamen quid est homo, quoniam reputas eum? Homo natus de muliere: brevi vivens tempore: repletus multis miseriis, cujus cor pravum, & inscrutabile: filius irae, portans sarcinam corruptae naturae. Igitur obstupefcite, Coeli, & vos Angeli admiramini vehementer: nam, cum nihil magis contrarium, quam Deus, & homo, haec duo adinvicem sibi contraria conjunxit amor extrema, dum utraque natura inseparabiliter copulata est in individua persona divina, non humana. (1) Eucharistiae

Sa-

(1) In Opusculo 57.

Sacramentum, ait Thomas, miraculorum esse ab ipso factorum maximum. Sed hanc Doctoris Thomæ sententiam perperam nonnulli intelligunt. Est ergo sensus: inter omnia miracula, quæ Christus fecit in carne, miraculum maximum Eucharistiæ Sacramentum est. Nam Deum hominem fieri longè majus est absque dubio Eucharistiæ Sacramento. Ut transubstantiationem faceret, nihil sibi contrarium invenit. Ut autem fieret homo, humanam invenit naturam ex adverso oppositam: nam divina natura essentialiter bona: humani autem generis massa corrupta, a diabolo infecta. Humanam ergo naturam Divinæ sociari quid mirabilius? Neque Deus a constitutione mundi simile fecit, neque par miraculum facere potest, quia Sacrosanctæ Incarnationis Mysterium par non habet in ordine miraculorum. Verbi Incarnatione factâ consequentia erant reliqua Sacramenta. Horum causa Incarnatio fuit. Etenim mirabilior est causa, quam effectus. Mirabilius est per Incarnati Verbi Mysterium humanam innovare naturam, quam panis, & vini mutare substantiam. Omnium divinorum operum perfectio. Verbi Incarnatio est: & omnia Dei mirabilia, quæ tam in veteri, quam in novo Testamento leguntur, in ineffabili Incarnationis Mysterio fundantur. In hoc stupendo divinæ potentiæ prodigio rupti sunt omnes fontes abyssi magnæ misericordiarum Dei, & cataractæ miserationum ejus apertæ sunt, & factus est, ut di-

ci-

icitur per Isaiam; quasi cataclismus inebrians terram.

O immensæ charitatis mare magnum!  
O admirabile divini amoris incendium!  
Nunquid in verbo reparare non poteras  
mundi mala tu, qui solo sermone restau-  
ras universa? Quare tu, qui lucem in-  
habitas inaccessibilem de summo Cœlo-  
rum in inferiores partes terræ descendis,  
nasceris in præsepio in medio duorum  
animalium, & in infami Crucis patibulo  
emittis spiritum in medio duorum latro-  
num? Quare tu, cum sis essentialiter  
bonus, tamquam dæmoniacum, hæreti-  
cum, publicæ pacis subversorem, &  
blasphemum haberi non recusas? Quia  
tu es, Domine, qui amas animas: atque  
hoc fecit immensa magnitudo tuæ dile-  
ctionis, ut esses spectaculum mundo,  
opprobrium, & abjectio plebis. Copio-  
sus abunde non erat excessus iste, quia  
cogitasti pro tuorum solatio manere no-  
biscum in Eucharistiæ Sacramento? O  
sapientia, o bonitas, o charitas, o mise-  
ricordia! Quid fecisti, Domine? Si ces-  
sante passione in carne cessant opprobria,  
exultaret in gaudio anima mea. Sed & si  
ascendisti in Cœlum, manente nobiscum  
adhuc non cessarunt impropria sacri-  
lega peccatorum. Sapientia es attingens  
a fine usque ad finem: neque apud te  
sunt præterita, neque futura. Numquid  
ergo non videbas, cum nobis cœlestis  
vitæ nutrimenta parabas, homo ille na-  
tione Alexandrinus consecratam hostiam  
pugione transfixit, in lutum demersit, &  
por-

porcis conculeandam tradidit? (1) O Dei patientia erga filios Adam! Illudentes dicebant pueri Elifæo: *ascende, calve, ascende, calve*. Et ecce egressi sunt duo ursi de saltu, & laceraverunt ex eis quadraginta duos pueros. Non sustines opprobria servorum tuorum, & hoc patienter toleras sacrilegium? (2) Numquid non videbas, cum hunc nobis panem de Coelo præstabas quod Julianus Juliani Apostatæ patruus in Christianorum Templum ingressus Vas Sacrum cum consecratis particulis de Sacratio eduxit, atque super illud ventrem exoneravit? Sed tam sacrilega audacia non diu mansit inulta: nam subito vermibus scatente illa parte, per quam stercore egeruntur, rabie frendens præ dolore, atque miserabili exemplo erudiens posteros migravit ad inferos. (3) Nunquid non videbas, quod in Hispania hoc in sæculo gestum est? Hæretici namque apud Villam Vitiosam prope Matritum castra pararunt, qui irruentes in Ecclesias consecratas particulas extraxerunt de Sacratio, atque dederunt eas in escam equis suis in præsepio. Horrendum facinus! Nefas sacrilegium. Sanctissimum Eucharistiæ Sacramentum in escam equorum? Quis sine horrore, quis sine vultus coincidentia audire poterit tam impia scandala? Numquid non sciebas, quod acceptu-

(1) Lib. 4. Reg. cap. 2.

(2) Cardinal. Ursius in hist. Eccles.

(3) Bellante Filippo V. contra Carolum VI.

ptura erant Te multorum Sacerdotum  
 ora foetentia, pectora sordida, immunda  
 viscera corda eorum, qui ex patre dia-  
 bolo sunt? Hæc omnia præsentia habui-  
 sti, cum in nocte Coenæ mensam in con-  
 spectu nostro parasti. Sed omnia vicit  
 amor. Neque sacrilegæ irreverentiæ, de-  
 decus, & opprobria impedire valuerunt  
 hujus Venerabilis Sacramenti institutio-  
 nem; neque aquæ multæ potuerunt ex-  
 tingueret charitatem. Omnia pro nihilo  
 habuisti, ut de tuæ voluptatis torren-  
 te potares hominem, quem de limo for-  
 masti. Miscuisti vinum, & proposuisti ei  
 mensam continentem solatia præsentis  
 vitæ, & delicias æternæ gloriæ. Infræ-  
 na, Domine, os meum laude tua, &  
 non tacebo die, ac nocte amoris tui  
 mirabilia. Loquelam elargire muto, &  
 omnibus diebus vitæ meæ vociferatio-  
 nis hostiam immolabo. Quis ad conspe-  
 ctum tantæ charitatis ignem non sentit  
 in fundo cordis? Quis non accenditur?  
 Quis non inflammatur?

Sed heu heu! Fratres dilectissimi. Est  
 dolor continuus cordi meo, & a plo-  
 ratu non quiescit pupilla oculi mei, dum  
 video ad igneam mensam nos quotidie  
 accedentes, & quodam glaciale frigore  
 titillantes. Quotidie celebramus, &  
 exardescens ignis ardorem non senti-  
 mus: imo quodam insensibilitatis erga  
 spiritualia gelu constricti jacemus sine  
 ardore pietatis, sine calore devotionis,  
 sine affectu virtutis accedentes ad Dei  
 mensam tamquam Ephraim vitula docta

diligere trituram. Arbitrabatur Isaias, (1) quod, cum descenderet Dominus, etiam aquæ arderent igni, cum dicit: *Utinam disrumperes Cælos, & descenderes. Montes a facie tua diffuerent: aqua arderent igni.* Sed quid nunc temporis Prophæta pronuntiaret, si de sarcophago prodiret, & tot stagna aquarum rigentia videret, sine motu, sine decursu, sine profectu? Lugeret utique videns tot Sacerdotum corda conversa in putrefacta ligna inutilia propter putredinem, atque propter ariditatem minantia casum ad aquilonem. Detrimentum revera sanguineis lacrymis deplorandum, Fratres charissimi. Quotidie celebrare, & devotionis affectum non sentire, mortis argumentum est. Cornuta apparebat facies Moyſis ex solo consortio sermonis Dei. Et nos, qui non solum cum Domino confabulamur, sed & carnem, & sanguinem ejus intra viscera nostra recondimus, non solum vitæ splendorem non emittimus, verum omnem escam abominati facies peccatorum sumimus. Non resplendet facies nostra, dum debitæ sanctitatis populo non præbemus exempla. *Nonne ardens erat cor nostrum, aiebant discipuli, dum loqueretur nobis in via?* Quid ergo est, Fratres mei, quod nos, qui Agni immaculati carnem quotidie manducamus, ardorem in corde minimè sentimus? atque non aliter ab Altari discedimus, ac si materialis panis frustrillum accepissemus? In causa est, quia quemad-

mo-

modum filii divitum lapidissima paternæ mensæ obsonia fastidientes deveniunt in stultitiam comedendi terram, terram comedimus, dum propriæ voluntati turpi-  
 ter inservimus, atque indomitis nostris passionibus obsequia præstamus. Idcirco, quia terrenos affectus non expellimus ab animo, facti sumus tamquam lignum aridum in eremo non accipientes pluviam de Coelis, hoc est rorem devotionis ad opera virtutis: imo prostrati, enervati, paralytici, gravissimoque torpore oppressi languemus præ inopia ambientes caduca, & non gustantes æterna: atque post tot annorum curricula, quibus quotidie celebramus, tepidiores nos invenimus, quam illo die, quo primam Missam celebravimus. Retinemus adhuc apud nos farinam de Ægypto. Quare non mirum, si nobis non pluit Manna de Coelo. Quomodo ignis iste divinus volumus, ut accendatur in corde adhuc animo obicem tollere recusante? Naturales referunt, quod lupo, cum sibi opportunam escam non invenit, quidquid sordidum comedit. Quod si agnum, vel hædum inveniat, tunc sordes illas, quas ante manducaverat, evomit: atque rejecto sordido, quod non nutrit, sed potius nocet, nutritivæ carnis portione ventrem implet. Oportet ergo, Fratres mei, adinstar lupi, ab interiori cordis stomacho passionum sordes evomere, atque ita Agni immaculati carnem manducare. Affectionum namque expurgationem si negligenter omit-

timus, secundum Sacramenti effectum sentire non possumus. Ecce, Fratres charissimi, ecce mater tot languentium negligentia in emundatione passionum præsertim habitualium. Unde tot claudorum, & aridorum multitudo, qui ad hanc mensam ventitare consuecunt, & nullam ignis vim in corde percipiunt? Ex incuria expellendi ab animo domesticas affectiones, quæ in Scriptura parvæ vulpes vocantur, quæque secundum Sacros interpretes venialia peccata intelliguntur. Ait Scriptura: (1) *Capite nobis vulpes parvulas, quæ demoliuntur vineas.* Demoliri idem est ac devastari, destrueræ, sive perdere. Quare ergo per vulpes parvulas venialia peccata intelliguntur, si peccata hæc vineam, quæ figuraliter anima dicitur, non devastantur? Venialia justificantem gratiam non auferunt, sed charitatis fervorem tantummodo remittunt. Veniale peccatum entitativè sumptum non condemnat: sed illud ignis temporalis purgat. Attamen terribile, ac tremendum dicere audeo, Fratres dilectissimi, atque utinam omnes Christiani caperent, & intelligerent vocem sermonis mei. Peccata hæc habitualia non corrigere est causa damnationis æternæ. Ut homo in infernum descendat, non solum requiritur, ut furetur, ut luxurietur, ut occidat, &c. sufficit, si venialia corrigere negligat. Et quæ sunt venialia peccata? Omnes sensitivæ delectationes, audire musicam, olfacere florem volupta-

(1) Cant. cap. 2. v. 15.



ptatis causa, interrogatio otiosa, inutilis cogitatio, exaltatio vocis in risu, & quidquid agimus, cogitamus, vel loquimur, vel concupiscimus, quod neque conveniens, neque utile, neque necessarium. Ecce peccata venialia. Quod si venialia hæc habitualia fiant, & consuetudinem contrahendi ea exterminare contemnimus, sive eradicare negligimus, in negligentia, & contemptu mortale peccatum contrahimus. Illa negligentia, seu contemptus mortale peccatum est. Dicit quidam Doctor Ecclesiæ, splendor Galiliæ: (1) *Nemo dicat levia sunt ista: ideo non curo corrigere. Quid, si in his maneam venialibus, minimisque peccatis? Fratres, hæc est impænitentia: & impænitentia peccatum irremissibile: blasphemia in Spiritum Sanctum.* Catholica doctrina est, Fratres mei, sola criminalia peccata habere in se æternæ damnationis reatum. Venialia criminalia non sunt: attamen *criminalia sunt*, ait idem Doctor, (2) *cum per contemptum, & usum vertuntur in consuetudinem*, & tunc negligentis animam demergunt in perditionem. Dicit aliquis: nescio, cum corruo. Si enim animadverterem, non committerem. Est. Sed est etiam inadvertentia, quæ non caret culpâ. Qui sine lucerna pedibus suis intempestâ nocte, & per petrosa graditur, non mirum, si non videat, ubi pes offendat. Omnes Christiani mediam tenentur adhibere diligentiam ad

F 3

cor-

(1) S. Bernard. in serm. de convers. S. Pauli.

(2) De præcepto, &amp; dispensat.

cordis custodiam, ne labantur in culpam. Quod si quis mediam hanc diligentiam non adhibeat, & si lapsus ignoret, tamen, cum labitur, peccati reus constituitur, quia, & si nescienter egit, non adhibitâ debitâ diligentia, ut animam immunem servet a culpa, peccat in causâ. Peccatum non sola formalis malitia efficit. Ad peccati consummationem interpretativa sufficit. Quis est, qui Deum formali prosequatur odio? Nemo. Quare ergo tam multi sunt, qui damnantur? Quia interpretativo odio Deum prosequuntur. Multi lapsus in levia ignorant, quia debitam, sicut oportet, vigilantiam non servant: atque insensibiles facti impedire contemnunt fluxum consuetudinis, donec insensibili modo appropinquent usque ad portas mortis. Quis ergo super venialia non vigilet, Fratres mei? Quis quæ sint venialia non examinet? Non cogito animi anxietatibus Clerum implere, sed saluberrimam doctrinam in angulis negligentiae repositam palam facere. Valde quidem tremendum, Fratres dilectissimi: venialia, quæ sæculares contrahunt, venialia sunt. Sed ex effectû, & circumstantiis in Sacerdotibus mortalia fiunt. Lepidum verbum in re venerea simpliciter ob jocum prolatum secluso scandalo, & consensus periculo, in ore sæcularium leve peccatum est. Attamen in ore Sacerdotis ex circumstantiis sacrilegium est. Quare Tridentina Synodus de reformatione agens monet Clericos his verbis: *levia enim de-*  
*li-*

*licta, quæ in ipsis maxima essent, effugiant.* Idem docent Sancti Ecclesiæ Doctores, præsertim Ambrosius: ait enim. *Verbum Sacerdotis aut est verum, aut sacrilegum.* Etiam nugæ per jocum ab Ecclesiastica abhorrent regula. Tritum est illud Bernardi: *Nuga in secularibus nuga sunt: blasphemia in Sacerdotibus.*

Non alia causa est, Fratres charissimi, cur tam multi Sacerdotes hodie prostrati jaceant, corde dejecti, devotionis succo prorsus destituti, arentia viscera habentes, facti quasi Statuæ sine spiritu in Sanctuario, patientes nauseam super cibo isto de Cœlo præstito, quorum vita, quia tepida, eum, qui est principium creaturæ Dei, ad vomitum provocat: non alia, inquam, causa est, nisi incuria in cordis custodia, & negligenter se gerere circa venialia. Unde provenit, ut fastidio contabescantes erga cœlestia toto corde rapiantur erga sensibilia: sicque corde dissipati, & animo dissoluti etiam Sacrum facere graviter accipiunt: quod quidem forsan non facerent, nisi propter stipendium. Hinc accidit, ut multorum Missam sine lacrymis, atque sine vivo dolore christiana pietas non possit audire. Debitâ namque sine præparatione ad peragendum tantum, & terribile Sacrificium: imo potius calefacientes se ad prunas in Sacristia coronam faciunt tractantes sæcularia, loquentes quandoque inhonestâ, aperientes proximorum occulta vitia, confabulantes de novellis, vulgo *Gazzetta*, clamorosè contententes  
in

in jurgio, & nonnumquam rixantes cum scandalo. Pessima hac habitâ præparatione Paramenta accipiunt prosequentes colloquium, ac si res, quam facere aggrediuntur, parvi esset momenti, & non tremendum Missæ Sacrificium. Egrediuntur de Sacristia incomposito vultu, immodesto incessu, festino pede, atque animo irreverenti, & infrunito accedunt ad Altare. Ibi (O quis mihi tribuat non aquæ, sed sanguinis lacrymas, ut multorum Sacerdotum defleam irreverentias, quas patienter sustinet Filius Dei!) ibi incompositis motibus, ridiculis gestibus, incircumspectâ corporis revolutione, per gyrum vagantibus oculis, a velocissima pronuntiatione elidunt Missam per synalepham, donec infra quadrantem horæ persolvant. Signa, quæ super oblata faciunt, a rapida manus festinatione non sunt signa Christi, sed signa diaboli. Nostræ Religionis Centrum, quod est Sacrosanctum Missæ Sacrificium irreverenter accelerant, ceremonias non curant: quorum irreverentes actiones provocant indevotos ad risum, pios ad fletum, & parvulis præbent scandalum, dum hi vident nostræ Religionis Centrum in contemptum ire, atque Missarum solemnia debitâ sine reverentiâ tractari. Absoluta brevi temporis intervallo Sacrosanctâ Missâ, depositisque sacris vestibus accipiunt habitum suum: cumque quiescere debeant saltem per dimidiam horam mente revolventes tanti hospitis dignationem, & gratiam, adhuc lumina-

aria, quæ accensa fuerant ad Missam; extincta fumigant, cum jam jam festino pede rapiuntur extra Ecclesiam. Maledictus, qui facit opus Dei negligenter, & qui diligenter non attendit ad ea, quæ in mensa Principis apposita sunt ei. Mortali contabescentes fastidio erga spiritualia, irrequieto cordis affectu feruntur erga terrena, promptiores ad confabulandum cum amico, vel sermocinandum de sæculari negotio, quam ad ruminandum intus in corde de Sacramento. Omnem escam abominati in cordis stomacho salutarem cibum non retinent, dum relinquentes cœlestem conversationem convertuntur ad sæculi consuetudinem. Si cibum stomacho non retineat, qui infirmatur, vita ejus profecto desperatur. Presbyter ergo, qui post Missam acta non ruminat, ægrotat: & medicina, quam de Altari sumpserat, non solum non proficit, sed ægritudinem aggravat. In magno periculo est, Fratres mei, Sacerdos, qui peractâ Missâ statim recedit ab Ecclesia. Nescio, quomodo faciem nostram verecundia non operit, quod de quodam gentili legitur in historia. Is, cum Dei sui simulachrum numquam vidisset, nativitatis suæ terram relinquens Metropolim adire constituit. Cumque idoli sui Templum ingressus vidisset, & adorasset, plenus stupeore, & extasi de Templo revertebatur. Stans autem super Templi limen ipse sibi oculos eruit dicens: *oculi, qui Deum suum semel videre meruerunt, justum non est,*

*est, ut de cetero videant, qua in mundo sunt.* O vere magna confusio Sacerdotum! Si talia fecit homo gentilis, quia vidit diabolus; quid nos agere debemus, qui consecramus, tractamus, & manducamus Dominum? Ethnicus ille eruit sibi oculos, & projecit a se; & oculi Sacerdotis in Sanctuario Dei Viventis lascivientes per plateas civitatis?

Redeamus ad cor, Fratres dilectissimi, redeamus ad cor: ne tentemus Dominum sicut illi, quorum anima nauseans super Manna in solitudine illicita appetivere, & exterminati sunt ab Exterminatore. Consideremus, cujus mensæ participes effecti sumus. Ignis est panis iste, non comburens, sed illuminans. Quod si nunc frigida, vel tepefacta est anima nostra, accedamus ad eum in cordis simplicitate, & perseverantes in oratione, in qua si instantes fuerimus, profectó veniet inopinata dies, qua illuminabimur, & facies nostræ non confundentur. In principio labor est in exercitio orationis, & magna gravitas ob sterilitatem animæ nostræ a conditione corporis animam aggravantis. Sed superatâ per modicum temporis repugantiâ, nihil oratione jucundius, nihil suavius, nihil desiderabilius, nihilque, quod magis delectet animum, quam esse cum eo, qui dicit: *delicia mea esse cum filiis hominum.*

O Tu, qui sub accidentium velamine abscondis Majestatem tuam: qui superexaltans misericordiam erga filios homi-

animum complacuisse manere nobiscum in  
singulare solatium, mitte de excelso ignem  
in ossibus nostris, qui cordis nostri aquo-  
sos humores absumat. Fiant spirante te  
tui flammæ amoris ignea viscera, exar-  
descantia pectora, & corda flammantia,  
ut interior domus nostra digna sit habi-  
tatio tua, in qua cum Patre, & Spiritu  
Sancto mansionem facias apud nos se-  
dans efferatos carnis tumultus, & cibans  
animam pane vitæ, & intellectus. Da  
nobis, Domine, ad gustandum quam  
magna sit multitudo dulcedinis tuæ, quam  
abscondisti timentibus te, ut omnium  
corruptibilium prorsus obliti canamus  
canticum in terra Sanctorum: Deus cor-  
dis nostri, & pars nostra Deus in æter-  
num. Nunc, Domine, quia repleta est  
malis anima nostra, nauseam patitur, te-  
pore affecti sumus, fastidio contabesci-  
mus nihil sentientes, nihil gustantes: sed  
introduc nos in cellam vinariam, sitien-  
tem terram inebria, & aridam quasi flu-  
vius inunda, ut benedicat tibi anima  
nostra nunc, & per infinita sæcula.  
Amen.

# OCTAVA DIE

Hodie dicitur Officium Defunctorum, & cantatur Missa pro omnibus Sacerdotibus defunctis: quam ob causam utraque vocalis Oratio omittitur.

## SERMO VIII.

*Verba, quæ ego locutus sum vobis, spiritus, & vita sunt. Joann. cap. 6. v. 63.*



Angustia temporis ob processionem, quæ post concionem habitam solemniter facienda est, non nisi pauca loqui permittit, Fratres mei. Libenter sermonem protenderem: adhuc enim habeo multa vobis dicere. Sed quia processio, quæ subsequitur, longum ad vos sermonem habere non patitur, dicere sufficiat: vos scitis a prima die, qua hoc sanctum Exercitiorum Novenarium incœpi, quomodo nihil subtraxerim utilium, quominus nudam vobis ostenderem veritatem ad stabiliendam in animo novæ vitæ conversationem. Cum adhuc tenebræ essent, surgebam de lectulo, & excitabam vos cum jaculatoriis ad vigilandum diluculo. Laboravi nihilominus quantum potui, ut dies pleni invenirentur in vobis: quod quidem eo  
suo-



successu adspirante Domino continuatum  
 est, ut per novem dies Angelicam in  
 terris vitam, sicut vos ipsi testati estis,  
 vixisse non dubium sit. Adhuc exit ser-  
 mo inter vos: nolumus hinc exire: quia  
 bonum est nos hic esse. Quantum ad me  
 attinet, libentissimè, Fratres mei, vobis-  
 cum simul hoc in Sanctuario commora-  
 rer, sed necesse est, ut per statutum tem-  
 pus revertar in solitudinem, ubi ab  
 omni conturbatione semotus audiam quid  
 loquatur in me Dominus Deus: Abundè  
 sufficiunt, quæ hæcenus dicta sunt.  
 Verba, quæ ego locutus sum vobis, il-  
 lius verba sunt, qui in veritate misit me  
 ad vos. Videte, Fratres, ne fortè semen  
 ceciderit secus viam, neque illorum mi-  
 seram imitemini conditionem, qui post  
 lacrymarum tempus redeunt ad iniquita-  
 tem. Non modico timore agitur anima  
 mea, ne, cum iterum repetitis mundum,  
 ipse mundus, quatenus in maligno posi-  
 tus, de cordibus vestris auferat verbum.  
 In mundo namque habetis pauca nomi-  
 na eorum, qui vestimenta sua non in-  
 quinaverunt. Quapropter constantes esto-  
 te memoria retinentes, quoniam per No-  
 venarium non cessavi cum lacrymis mo-  
 nens unumquemque vestrum, quomodo  
 oporteat ambulare sine offendiculo, &  
 immaculatum se custodire ab hoc sæcu-  
 lo. (1) *Testes invoca hodie Cælum, & ter-  
 ram, quod proposuerim vobis vitam, & mor-  
 tem, bonum, & malum, benedictionem-  
 & maledictionem, ignem, & aquam: ad,*  
G
quod

(1) Deut. c. 30. v. 13.

quod volueritis, porrigite manum. Nullum anima mea patitur conscientiae remorsum de eo, quod non ostenderim vobis spiritum, & vitam, & non proposuerim regulam ad viam perfectionis ineundam. Etenim die ac nocte laboravi, ut juxta Sacrorum statuta Canonum, Conciliorum, & Patrum acciperetis ab ore meo regulamentum ad debitae conversationis institutum, sicut decet Sanctos. Testis est Deus, & testes vos. Igitur si (quod absit) verba, quae locutus sum vobis in nomine Domini, in ventum prolata sunt, convertam faciem meam ad Dominum, non ut accusem vos (vellem potius stare in conspectu suo, ut loquerer pro vobis bona, & averterem indignationem suam a vobis); sed ut dicam in amaritudine animae meae: (1) *In vacuum laboravi; sine causa, & vane fortitudinem meam consumpsi.* Medicina est Dei verbum, quae curat, & sanat animas a vulneribus peccatorum. (2) *Quare ergo non est obdusa cicatrix filiae populi mei: sed plaga ejus facta est desperabilis, & renuit curari?* Quare, cum vivus, & efficax sit sermo Dei, & penetrabilior omni gladio ancipiti, viscerum medullas non penetravit, ut relicta carnis cura, & saeculi consuetudine vivant Sacerdotes in novitate vitae? Absit, Fratres mei, absit, ut ad vos tremenda illa sententia referatur: (3) *Propterea vos non auditis, quia ex Deo non*

(1) Isaïæ cap.

(2) Jerem.

(3) Joan. cap. 8. v. 47.

*non estis. Omnes adstabimus ante Tribunal Christi, Fratres mei, & quidem non post multos hos dies, quia novissima non tardat hora, & adesse festinant tempora. Cum igitur omnes simul ante tremendum Christi Tribunal steterimus, dicet ad me Judex: quid prædicasti? Ego autem respondebo: Justitiam tuam non abscondi: veritatem tuam, & salutare tuum dixi. Ad vos autem: quare vos non audistis omnia verba hæc, nec posuistis in præcordiis talia, ut serviretis mihi in sanctitate, & justitia? Quid tunc respondere poteritis judicanti Domino, cum verba ejus non custodieritis in corde vestro? Rectè quidem, quia exosam habuistis disciplinam, auferetur a vobis stola jucunditatis, & induent vos Ministri Regis diploide confusionis. Igitur melius erat vobis ad hæc sancta Exercitia non venisse, quam post auditam Divini Verbi prædicationem pristinam repetere consuetudinem. Avertat Deus tam grande malum a cordibus Sacerdotum suorum, ut adinstar canis ad vomitum redeant, qui in hoc sancto Novenario per Jesu Christi gratiam deposuere malitiam. Ad vos misit Dominus hanc pluviam salutarem, Fratres desideratissimi, ut irrigante desuper ossa, faciatis fructum centesimum in patientia. (1) Terra enim saepe venientem super se bibens imbrem, & generans herbam opportunam illis, a quibus colitur, benedictionem accipit a Deo. Proferens autem spinas ac tribulos reprobata est, & maledi-*

G 2

di.

(1) Epist. ad Hebræos cap. 6.

*diſſio proxima.* Haud facile credam vos ita eſſe, ut projicientes poſt tergum ſermones Dei viam juſtitiae deſeratis, & commiſceamini cum his, qui ambulant per anfractum miſeræ perditionis. Conſido autem de vobis, dilectiſſimi, meliora, & viciniſſima ſaluti.

Et nunc, Fratres mei, opus, quod mihi a Reverendiſſ. Epifcopo injunctum eſt, conſummavi. Oportet autem poſt prædicationem iterum meam repetere ſolitudinem. Vado in deſertum, ut ibi plangam per vitæ reſiduum multitudinem peccatorum meorum. Et nunc commendo vos Deo, & gratiæ ipſius. Habeo vos in viſceribus meis, in medio corde, & vos diligo in veritate. Unde precor Cœleſtem Regem, ut effundat ſuper vos Spiritum vivificantem, qui faciat vos dignos Dei Miniſtros, ut faciatis ejus voluntatem, donec detur vobis ingredi in illam requiem, quam paravit Altiffimus a conſtitutione mundi iis, qui obediētes fuere ſuæ voluntati. Rogo autem vos, ut in orationibus veſtris mei memoriam faciatis, ut tandem detur mihi ſimul eſſe vobiſcum in gloria, ubi regnat Sancta, & individua Trinitas per infinita ſæcula Amen.

*Absoluto ſermone facta eſt proceſſio: quâ finita Prædicator more ſolito genuflexus in medio Presbyterorum ſequentem habet orationem.*

ORA-

# ORATIO ULTIMA IN VESPERE ANTE DISCESSUM A SANCTUARIO .

Primum orat pro Sacerdotibus . Demum  
pro Ecclesia ab hujus sæculi illuminatis  
in angustia positâ .

*Non datur signum eum campanula: sed  
predicator orat per tempus suæ voluntatis.*

**P**Ronus corruens in faciem meam ado-  
ro Majestatem tuam, Domine , at-  
que in fletu, & planctu accuso in con-  
pectu tuo iniquitatem meam. Ne me,  
quæso, projicias in stagnum cum An-  
gelis, qui tibi fuere rebelles tu, qui  
amictus carne in hunc mundum venisti  
salvos facere peccatores. Homo peccator  
sum, transgressor ex utero. Sed etsi pec-  
cavi, tuus sum ego: salvum me fac, &  
amplius lava me ab omni sorde tu, qui  
solus potes facere mundum de immun-  
do conceptum semine. Ne irascaris super  
orationem servi tui. Ascendat ad te ora-  
tio mea sicut incensum, & vota suscipe  
tibi humiliter offerentis animum. Memo-  
rare quæ mea substantia: & tibi, Domi-  
ne, misericordia.

Et nunc, Domine, opus, quod de-  
disti mihi, ut facerem, consummavi, præ-  
dicationem absolvi. Unde fratrum meo-  
rum societate relictâ ad tempus secun-  
dum Præfulis voluntatem meam repeto  
solitudinem. Tacitæ vitæ desiderio fla-  
grans vado in desertum. Attamen si adhuc

Sacerdotibus tuis sum necessarius, non recusō laborem: fiat voluntas tua. Sed quia voluntas tua nobis per tuos Præsules innotescit, relinquo prædicationis officium, & adducor in solitudinem, ut loquaris ad cor meum. Decedo ergo a fratribus meis, & quasi avulsus ab eis proficiscor eum dolore, quia diligo eos in veritate. Rogo te, ne deseras eos, neque derelinquas, Domine. Non rogo te, ut tollas eos de mundo, sed ut serves eos a malo. Tui sunt: audierunt enim omnia verba oris tui eum gaudio, & firmiter retenturos spero. Igitur protege eos in potentia tuæ virtutis, neque avertas ab uberibus tuæ excellentissimæ charitatis, quos his in Exercitiis cibasti pane lacrymarum, & potasti vino compunctionis. Ecce Exercitiorum quiete relictâ coacti sunt iterum sæculi sustinere tumultum, in cujus periculoso theatro haud facilè est immunem servare animum a delicto. Sed tu Pater misericordiarum absconde eos in abscondito faciei tuæ a conturbatione hominum. Omnes hi jam mundi sunt propter sermonem, quem locutus es eis. Ne, precor, deseras, ut inquinent vestimenta sua: sed in omni tempore sint vestimenta sua candida. Non tantum pro his rogo: rogo nihilominus pro cunctis Ecclesiæ tuæ Ministris, ut eis divinæ sapientiæ venam aperias, & tui Altaris dignos efficias. Mirifica super omnes misericordias tuas, & fac, ut spiritu renovati sanctitatis præbeant exemplum residuis populi tui.

Et

Et nunc, Domine, rogo te, pro Ecclesia sancta tua. Aspice de Cœlo, & vide, quoniam invenerunt nos multa mala. Non jam instant, sed extant tempora periculosa. Inveniuntur in populo tuo impii insidiantes quasi aucupes, laqueos ponentes, & pedicas ad capiendos viros. Sub magnæ Meretricis umbraculo, sub Bestiæ velamento extollunt capita nebulones, homines corrupti mente, circa fidem naufragantes, Philosophi pestilentes, qui proprio innitentes cerebro, & privato inservientes enthusiasmo æternam per intellectum præsumunt deducere veritatem, & fidem per demonstrationem. Disseminant libros ea seducendi arte compositos, ut multorum facile depravent sensum, & permixtâ Evangelicâ veritate corrumpant corda simplicium doctrinis dæmoniorum. Incantantes sapienter per dulces sermones subducto fermento malitiæ pessimant plebem tuam. Et, quod illacrymabilius est, non solum simplices a recte sentiendi culmine dejiciunt, sed etiam stellæ de Cœlo cadunt. Ex nobis ipsis insurgunt viri loquentes perversa: serpit velut cancer de foetido revocata sepulchro fœculenta doctrina, qua sincera multorum credulitas passa naufragium ad purum transivit Naturalismum. Indomita grassatur opinandi libertas. Testimonia tua, quæ credibilia facta sunt nimis, non creduntur, sed omnia in dubium, crism, & problema vocantur. Versa est omnis materia in oceanum opinionum. Acade-  
mi-

micorum more controvertitur Evangelium; quo factum est, ut veneranda sententia amiserit cultum, & diminutæ sint veritates a filiis hominum. In fide nutantes amant peregrina, novitates diligunt, atque corruptâ cerebri massa in medio, & perspieuo die lumen quærunt: qui cum Ægypti palpabiles invenerint tenebras, lucem invenisse gloriantur: atque in cœcitate, quam tolerant, quasi in claritate luminis exultant. Afflicta est nimis Ecclesia tua, Domine. In pristinis Ecclesiæ sæculis singularis ferus impetebat animos Christianorum. Hodie vero omnes bestiæ sylvæ properant ad devorandum: omnia simul mala super nos irruunt. Materialistis, Incredulis, Dei istis, Philosophis, & Rigoristis plena est terra Sanctorum. Hi novissimi alligantes onera gravia, atque fingentes inaccessibilem viam salutis avertunt turbam fidelium a frequentia Sacramentorum, pingentes te rigidum, & Deum duræ severitatis, cum tu sis Pater misericordiarum, & Deus totius consolationis. Velociores aquilis persequutores nostri in turbulento impetu properant, ut Religionem convertant in fabulam, & locum Sanctum in blasphemiam. Ecce omnia desiderabilia nostra versa sunt in ruinas. Ablata est compositio, & pulchritudo a monte Sanctificationis tuæ: & nos multum repleti sumus despectione. In dies minuitur populus fidelium, & per momenta crescit Civitas impiorum. Et tu, Domine, super his continebis te, tacebis, & affli-

ges



ges nos vehementer? O Pater Sancte!  
 Ut quid natus sum videre contritionem  
 populi mei, & angustias habitationis do-  
 mus tuæ? Tribulationis absynthio ine-  
 briata unum ex duobus a te postulat  
 anima mea: ut vel tot infanda mala ab  
 oculis meis avertas, vel me nimium do-  
 lentem e vivis eripias. Melior est enim  
 mihi mors, quam vita amara. Circun-  
 dant nos undique cuncta mala cum ir-  
 ruptione nimium violenta. Mysterium  
 jam agitur: & solummodo restat, ut de  
 medio multitudinis reveletur homo pec-  
 cati, filius perditionis. Irruunt in nos  
 illusores, homines vertiginosi, Cyclopes,  
 superba factio gigantum, qui dum no-  
 biscum pariter esse se simulant, murum  
 pariter, & antemurale dissipare cogi-  
 tant, arcem Sion prostrernere tentant,  
 atque ascendente semper superbiâ eorum,  
 qui te oderunt, a cogitationibus suis  
 pessimis non cessabunt, donec redigant,  
 si fieri potest, Sanctuarium in prover-  
 bium, Tempia Christianorum in taberna-  
 cula Protestantium, Ecclesiam tuam in  
 speluncam latronum, & terram desidera-  
 bilem in Ægyptum. Exultant Catholicæ  
 Religionis hostes videntes ab ipsis dome-  
 sticis bellum agitari: sibilant, & movent  
 capita sua dicentes: hæccine est Urbs  
 perfecti decoris, gaudium universæ ter-  
 ræ? Quomodo conversa est in intestinæ  
 revolutionis tumultum, quæ dicta est  
 pacis visio, Domina gentium, funestum-  
 que irrequietæ discordiæ facta theatrum?  
 Ubi est Deus eorum? qui est Deus pa-  
 cis,

eis, & non dissensionis? Nos audientes  
 hæc contristati sumus nimis a voce ini-  
 mici, & persequentis. Neque relictum  
 est nobis solatium, nisi adversus insultantes nobis de Cœlo miseris adjutorium.  
 Utinam dirumperes Cœlos, & descen-  
 deres, ut videas afflictionem nostram,  
 & in multitudine miserationum protegas  
 nos a contradictione linguarum. Usque-  
 quò peccatores gloriabuntur, Domine,  
 intestina bella cientes, & loquentur su-  
 blimia gloriantes? Quando desistent ho-  
 stes a violento armorum strepitu, &  
 impii cessabunt a tumultu? Ecce nos  
 gementes sumus in angustia: conglu-  
 tinata est anima nostra ab annis, qui-  
 bus vidimus mala: quasi pupilli absque  
 Patre sedemus in tristitia levantes  
 oculos nostros in montes unde ve-  
 niet auxilium nobis. O Domine,  
 quem finem habebunt tot, & tam  
 prodigiosa mala? Nos, nos Ecclesiastici  
 irritavimus iram tuam. Nos causa sumus,  
 ut in filios iniquitatis mittas spiritum er-  
 roris, & in præceps corruat copia chri-  
 stianæ multitudinis. Sacerdotum culpa  
 est, ut flagellis percutias populum tuum.  
 Apparet enim in multis Ecclesiasticis non  
 vita Canonica, sed pagana. Ambitiosis,  
 superbis, criminosis, luxuriosis, avaritiæ  
 deditis plena est Ecclesia tua, qui Athæi-  
 starum more viventes suis actibus in-  
 nuunt non esse nisi fabulam, quod pro-  
 mittitur in futurum. Cumque in jejunio,  
 cilicio, & cinere pœnitentiam agere de-  
 beremus, indignationem tuam procaciori

vitæ licentia, & scandalo provocamus. Sed tu, Domine, contine iram tuam in misericordia, & non misericordias tuas in ira tua. Projice in profundum maris omnia peccata nostra, & ne fileas, neque compeſcaris, Deus. Dissipa gentes, quæ oderunt pacem, & ne des hæreditatem tuam in perditionem. Ecce Sponsa tua, quam sponsasti tibi in fide, Civitas gloriosa, Ecclesia sine ruga, Jerusalem pacifica gemit hodie in diræ tribulationis angustia, ablata debita reverentia Sacerdotio, infami mancipata servitio, & quæ erat libera, facta sub tributo. Et tu, Domine, hac in opportunitate, hac in tribulatione quiescis in cubili tuo cum pueris tuis? Exurge, quare obdormis tu, qui custodis Israel? Apprehende arma, & scutum, libera nos de manu tribulantium, contere capita deprimentium tu, qui in potentia virtutis tuæ humiliasti Egyptum, & tu, qui in novacula conducta rasisti barbam Regis Assyriorum. Festina tempus: cito velociter exaudi nos. O Domine, tribulamur nimis! Quare non imperas ventis, ut cessent a turbine diræ conspirationis? Eja, Domine, exurge: noli jam amplius dormire super cervical navis. Salva nos: perimus. Fac tranquillitatem, ut Ecclesia, quam ædificasti, in pace constituta cantet cum lætitia: Tibi soli laus, honor, & gloria per infinita sæcula. Amen.

*Finitâ Oratione, & accepta Episcopi benedictione unusquisque in domum suam profectus est.*

Domino nostro Jesu Christo, & Patri per ipsum honor, laus, gloria, & imperium per æternitatis sæcula. Amen.